

DEUGIR

HEJMAR 3, 1996, HER SÊ MEHAN CAREKÊ DERDİKEVE

Gilles Deleuze

xwekuştina
feylesofê
vê serdemê





DUGIR

HILMAR 5, 1996. HER SÉ MEJAN CAREKÉ DERDIKEVE

KOVARA KURDÎ LI DERVEYÎ WELET
EV KOVAR LI GOR ALFABE, VEKİT Ú RÉZIMANA
MİR CELADET BEDIRXANÍ DERDIKEVE

XWEDÎ
Kawa Förlag

Berpirsyarê giştî
Dr. Saïd Mele
•
Birêvebirên kovarê
Ehmedê Huseynî
Zagrosê Faco
Mehîyavê Yûsif

Mîzanpaj
Ariit Zêrevan
•

Berpirsyarê hunerî
S. Rêzani
•

Abonetiya salane
150 SKR
•

Adres
DUGIR
Box 3437
165 23 Håsselby
SWEDEN
•

Tel/Faks
46-(0)8-38 39 34
•

Postgiro
692357 7

ISSN: 1400-5913

NAVEROK

- 3 **Pêşgotin**
5 **Mecazatên Xwedê, Selim Berekat**
7 **Torebûn Yannis Ritsos, Ez Ú Şemal Sebn Botanî**
8 **«Piştî Nietzsche çawa mirov dikare
bibe feylesofî», Ehmed Huseynî**
10 **«Li Diji-Oedipe» dergehê jiyanekê bê fasizme,
Michel Foucault**
15 **Hemî mirov feylesof int, Michael Hardt**
19 **Çanda kurdî, rewşenbare kurd
ú pîrsa nasnameyê, Hendrén**
22 **Girê Mozan, Marilyn Kelly-Buccellati &
Georgia Buccellati**
30 **Ala Midîyan, Dilower Mêqeri**
31 **Dilbijokîyeke xerab, Zinatê Xamo**
35 **Peyvîn xewê, Beroj Akreyî**
37 **Uzunname - III, Rezo Ose**
58 **Dewleta Dostikî, Fehadê Mustefa**
61 **Pirtûka külükân, Mihemed Efîf Huseynî**
65 **Qamîşlo, Birâhim Xâlid**
Apec Tryck

Pêşgotin

Hejmara *Dugirê ya siyemîn jî ronahiyê dibine*. Hejmara siyemîn, di himbêza sersaleke nû de, sersalek ji sersalên kurdên mişext û penaber, li ber zixt û qolincen bêrikirina bêkutayî bo cîgeh û şûnewar û bargehên zaroktî û ciwanî û hemî bîranînên ku anîha di qermîçekên mêtî û dil de dest bi hilatina xwe yî bêcir dikin, û li ber dergehêne tirsê, tîrsa ji her tişti, tîrsa ji têkçûna coğrafya xewnê ku, bi têkçûneke dîrokî, careke dî, vî mileti bê hiş û bê bîr bihêle, ronahiyê dibine.

Ji bo çi *Dugir*, ji bo çi kovareke xwerû bi kurdî, ji bo çi wêje, ji bo çi çand, ji bo çi huner, ji bo çi peyy û ji bo çi bikaranîna zimanekî bedew, spehî, resen, hevgirtî, û li beramberî herifandina hest û giyanê zimanê me yê şérîn; ji bo çi hewldana vejandina çavkaniyan û çesipandina nasnameya dîrokî ya zimanê *Mem û Zinê*.

Zimanê ku ji me tê xwestin, zimanekî sade, hêsan, eßkere û rojane ye, ne em zimanekî wisa dipejîrinin û ne jî em xwe bi berpirsiyariya dîrokî ya dûbarekîrin û kûrkirina zimanê devikî di qada nivîsandinê de, gunehbar dikin. Bi kurtî, zimanê ku ji me tê xwestin dê neyê nivîsandin, û dê kes ji zimanê me jî tênegihêje. Pira di navbera me û xwendevanan de pira tênegihiştinê ye. Ev tênegihiştin nîşana herî balkêş a berfirehiya bitîna zimanê me ye û kûrahiya bandora zimanên dagîkeran e.

Di nava vê çendîn û xirecira rojnamegeriya kurdî de, ya ku ji alî komeleyan û partîyan û kesan ve derdiçe, mebest ji hejmareke siyemîn çi ye?

Ji hejmara pêşin ve, *Dugirê* dixwest têça xwe ya cihêring û taybetmend biafirîne. Pîsan pêşkêş bike û guh nede bersivan.

Dîsa jî, di amadekirina vê hejmare de, projeya hewldana darnezirandina çandeke pîsamêz, hem wek hişyariyeke rewşenbirî û hem jî wek dahênanîneke zimanî, ji bîra me neçûye.

Dugir xweş dizane ku ev serdem, di warê afirandin û dahênanâ peyva kurdî de, serdema têkçûn û tevlihevî û sextekarî û hilperikîn û xwepêşandana erzan e. Lewra *Dugir* di awirvedana xwe de, di pêkanîn û bidestxistina bahaneyên hebûn û jiyana xwe de, tes-

bîn e. Di vê reşbîniyê de, bi hişmendî û bi cegerdarî dixebite da ku hêjâyî afirandina pirsan bit. Da ku bi cegerdariyeke rewşenbîrane li beramberî bersivên bê guman û yekalî û reha, raweste.

Dugir hewl dide.

Dugir ji bo sazkirin û peydakirina felsefeya pirsê dê hewl bide.

Hetanî anîha bertekî (reakisyon) û helwestên rewşenbîr û xwendevanan em hogirî hêza berdewamkirina *Dugirê* kirine.

Serê me bi nameyên pesindanê mezin nebû û tu carî jî dê mezin nebe. Herwiha em ji bertekiya nivîskarên ne-nivîskar ên ku tenê di rewşa zimanekî wek zimanê kurdî de dikarin nêçirê di ava şêlû de bîkin, ku *Dugirê* bi çavêن gumanê li rola wan temâse dikir û dike, netirsiyan.

Dugir ci ye?

Pencereyeke dilovan û şîn e, pencereyek e bi ser wêjeya kurdî de, ji bo dahênan û huner û peyva resen hatiye vekirin. Bi kurterûpelên xwe, bi abonetiya xwendevanan, dikare bibêje ku di meydana hişmendiya pirsyarê de, dest bi vekirina rêça xwe dike. Di vê xebatê de gelek xwendevanên zana û bîrtûjî ji xwe re peyda kirine, û hê jî hewl dide ku xwendevanên sade yên ku hînî peyvîn amadekirî û têrmîn vala bûne, rizgar bike, wan biguhêzîne cîhana peyvê ya rastîn.

Ji destpêkê ve em dizanin ku em dê nikaribin bi darê Mûsayî deryayê biqelêsin û werîsan bikin mar, lê em dê her û her bipirsin:

Afirandin û dahênanana kurdî ci ye?

Ev dahênan li kû ye?

Nivîskarî ci ye û kî nivîskar e?

Pirs li kû ye ? 

DUGIR



Mecazatên Xwedê

Wek mirovine ku di tirajîdya gerdûnê de bê temen bin, renckêşana yekemîn a şkestinê xortaniya me da ku em bi cîhanê mijûl nebin em hogîfî stiranê dikirin. Stiran wek formeke ji formên mirina lîş: Tenê deng, guncîna nemir e, madam borîzana xwedayî dê Qiyametê bike dergehek bo deqê dilovaniyê di pêşbirka giyan û behîstê de, bi hev re ber bi kamilbûnên xwe ve. Em, ên ku bi xeyalan hatibûn agahdarkirin, xeyalênu ku bi hişkî navrana realîteya jihevketî zeftkiribûn, renckêşana yekemîn em hînî xweveştina di stiranan de kiribûn; xweveştina di xelatênu wan ên biçûk de û di nenasîyênu wan de yên ji çolistana vekirî dilovantir. Ti carî ji pêwist nedikir ku em peyvîn wan stiranan, têbigihêjin.

Me Nêrgiz, Dilîb Komar, Mahîbal, Sîrabano, Sonal Dît, malbata Kabûr, malbata Rackomar û Dîvanand nas kirin.

Artîstine di çesnê êşa ku nayê şrovekirin de bûn. Mîna temenênu me yên sade ew jî sade bûn, Hemîyan bi dengê xwe yan jî bi dengê hîneke ditir distira; çînkî, berzexâ di navbera giyanênu me û dîmenê de deng bû. Em digiriyan. Şevistana di hêwanênu tarî yên sînemayê de; wê demê, gavênu qederê ber bi dîmenê ve bûn: Rastiyê li ber destê bêhûdeyîya xwe gîlî dikir.

Ew êşa ku bi kûrekûr li dorhêla temenênu me digiriya; wê demê, serçavka artîsti, di berztirîn kîlîka sernîştvûnâ wî ya ber bi pêkenînu dijwar de ku girî û kûrekûra şanoyê çepiklêdana ezeli dagîr dikirin, li xwe dikir.

Her bizaveke ji bizavênu artîsti em bi girî vedikirin, her reqsekê em bi girî vedikirin, her serkeftinekê, her têkçûnekê û her xweşikbûnekê em bi girî vedikirin. Wisa, rûniştekên hêwanênu Sînemayênu bajarênu me yên ku ji serpêhatiyênu xwe ber bi serpêhatiyênu Hidî ve direviyan,

dîşandin.


Artîstine ji Hindê, û stiranîne Hindî, zimanekî ku em tênedigîhiştin, lê bi sihra xwe yî nehêni û veşartî şarezayiyeke tund û hevgirtû bû. Digel ku Selman Ruşdî navê Şamî Kabûr hilnagire ji, lê neviyê wê şarezayê ye, şarezayıya ku temenên me bi girî vekiribû, ne ku bi giraniya xwe, lê bi wê renckêşana ku mîna derbendê berhev dibû, renckêşana ku ji gemkirin û bindestiya bê ser û ber dihat, li vir, malbat û dibistan û Xwedê bi hev re dixebeitîn da ku gemkirinê dijwartir bikin. Jixwe yên ku bi çarenûsan dilîstin her û her Xwedê palpişa wan bû.

Ez bi xwe di xwendina xeybê de ne hosta me, lê di amadekiranâ vebêjiyê de xwe dispêrim dadperweiya giyanan, da ku dem li ser bingehêni ji axê xwe-dan amadeyiyeke rewanbêjane be. Ku ne li ber destê Xwedê bit bila tu kes gilî neke.

Ji ber ku Xwedê ji di destnîşankirinê de berfirêh e, radek e ji radeyêne sînorkirî, pileyêngelêmper i nenas qirêj dike ku ev ji nexuyayıya sihri ya hebûna wî ye, û di nexuyayıya sihri ya hebûna Xwedê de, di pêvajoya "hesabê adil de" hertişt xwedanê hilbijartin û bîryara xwe ye.

Lewra çavkaniya mirinê nakeve destê ti kesî, aniha, hemî bend û name hatin agahdarkirin, Islam wisa dibêje.

Ji xwe çarenûs ji "imtihanên xeybê ne"; xeyba ku bi navê Selman Ruşdî maf nedaye ti kesî. □



Selman Ruşdî

Torebûn

Di rûyê hetavê de, çavêن xwe girtin,
Lingê xwe berda nav deryayê.
Cara yekemîn bû ku derbirîna destêن xwe dibîne,
Westaneke veşartî, berfireh wek azadiyê.
Cigir diçin û têن
Diyariyan û baweriyê hildigirin,
sozên nasnav û talanêن bê mînak didin.
Ew bî xwe bawer nake,
çavdêriya kevjalê ku bî kotekî
hildikişya ser zixurekî dikir,
hêdî hêdî, bi tîrs, lê bi awakî fermî,
mîna ku hildiperike ebediyetê
Wan bi xwe nizanîbûn ku
torebûna wî tenê behaneyek e.

YANNIS RITSOS



Ez û Şemal

Hilket li min şemalek
Can û cerg û dil birin
Piştî ez û dil malek
Ez û dil ji hev kirin
Dil bi şemalê mest bû
Şemal, bû şewq û şemal
Badeya eşqê hest bû
Hest bûzanın û kemal
Dil dakete evinê
Ez bûme maka derda
Şemal bû gola xwinê
Dili girt û neberda

SEBRÎ BOTANÎ



»Piştî Nietzsche çawa mirov dikare bibe feylesof?«

Sergermtirin feylesofen vê serdemê, ramyar û rewşenbîrê piralî, rexnegir û lêkolîngerê hemî zanistiyêni mirovi; hemdem û hevalbendê Michel Foucault û Guttari, di roja şenniyê de, 4-ê mijdarê (november) 1995, piştî Əşkêşaneke dijwar, li Parîsê, xwe ji pencereya mala xwe davêje erdê, xwe dikuje.

— Renge ev serdema me bibit serdemeye Deleuze'î!, carekê Foucault bi xwe wisa gotibû..

Deleuze'î di her 30 pirtûkên xwe de, hewldaye ku stûnên ramana felsefi bihejîne, ku zimanekî nû û dannaşneke nû bo felsefeyê biafirîne. Di berhemên xwe de, hisyari û dahênan û Ipstimolojiya vê sedsalê ya felsefi, psîkoloji, sosyoloji, filoloji, wêjeyî û hunerî, berhev kiriye.

Herwiha di jiyana xwe de, wek çavdêrê bûyerên vê serdemê ji şahi-dekî bêhempa bû. Wek J. P. Sartre û Foucault li dijî destdirêjahiyêni desthilatdariya siyasi û li dijî qirkirina miletêni bindest û pelçiqandina azadiya mirovi, bi tundî radiwestiya.

Bê guman bi çûna Deleuze (1925–1995) dê cîhana felsefi ramyar û lêkolîngerekî bêmînak winda bike. Deleuze'ê ku di bîr û baweriyêni xwe de û di serencamên lêkolînên xwe de hewl dida ku têramandinê bi jîyanê ve girêbide, ku sedema hebûnê di hebûnê bi xwe de ronî bîke. Bi vi awayî "felsefe ji êrişen kapitalizmê rizgar dikir û çiyetiya mirovîn ku li bazarê sergerdan in, diparast" dida xuyanîkirin ku mirovê vê serdemê di bin barê nîrx û sinc û qezenc û renckêşana bazara lîbirî de pişt şikest û bê armanc e.

Ansiklopediyêni felsefi dinivîsinin ku xebat û dahênanâ Deleuze di sê qonaxêni bingehûn re derbas dibin:

Qonaxa yekemîn pirtûkên wî yên li ser dîroka felsefeyê ne. Di van

pirtûkan de li ser Hume û F. Nietzsche (1844-1900) û Kant (1724-1804) û Bergson (1859-1941) û Spinoza, bi awakî cihê cihê, li ser bîr û baweriyên wan, berhem û deqên wan yên giring, dinivisine, bi şeweyekî cihêreng cîhana wan a ramanî û felsefi ron dike. Deleuze bi xwe li ser van pirtûkan dibêje ku "ev pirtûk tabloyên ramanî ne, tiştên ku feylesof bi xwe gotibû dûbare nakim, lê tiştên veşartî yên ku negotibû û di gotinan de amade ne, şirove û zelal dikim".

Qonaxa diwemîn qonaxa aferandina hevbeş a li gel zanyarê psikoloji Félix Gotts ye. Ev qonax di sala 1972an bi pirtûka *Li dijî-Oedipe* dest pê dike û bi pirsa "felsefe ci ye" di sala 1991ê de bi dawî tê. Ev hevkarî û hevbeşiya nivîsandina pirtûkan; di warê felsefê de; wek bûyer û diyardeyeke seyr û ekzotik dihat dîtin, Deleuze'yi digot:

"Em ne wek du kesan bi hev re xebitîn lê wek du rûbaran."

Wisa li rada salên dirêj herdû feylesofan bi hev re li ser felsefê, siyasetê, dewletê, desthilatê, zanistê, wêje û hunerê dinivîsandin.

Di qonaxa sêyemîn de, Deleuze wek dahênerê bîrûbawerîyan, gernameya xwe ya felsefi berdewam dike. Dide xuyanîkirin ku erka bin-gehîn a felsefî û bahanêن hebûna wê, aferandina bîr û bawerîyan e: "Felsefe ne peywendi û têramandin e, dahênan e, û di xurista xwe de şoreşgérane ye. Mercê bin gehîn ê felsefeyê cw e ku xwedî pêwistî û seybûn be, madam bersiva pirsine rastûn dide gerek bikaribe wê pêwistî û seybûnê bi dest xîne."

Di ramana xwe de Deleuze li beramberî dabeşkirinên dibistanî radiwestiya. Berhemên xwe bi navê yekîtiya ku piraliyê bi kar tîne, dida nasîn. Hergav vê pirsa bin gehîn naveroka wan bi hevdû ve girêdide: "Çawan pişti Nietzsche tu dikarî bibî feylesof?"

Di warê wêjeyî (edebî) de, Doloz, dûr û dirêj li ser rol û erk û çiyetî û çawayîya nivîsandin û aferandinê, radiweste.

Li got bawerîya wî, gerek wêje di hundirê zimên de zimanekî dî bîafîne. Zimanekî ku di çesnê sergêjahiya sihrî de be da ku bikaribe ziman bi xwe ji zuhabûn û ji çarçewên hişk rizgar bike. Nivîsandin ne ew e ku tenê mirov bîhêle peyv û wişê bistirên, gerek mirov hewl bide ku ziman bîherifîne, bîhejîne, bilukumîne.

Gerek nivîsandin terazûn û qanûnên zimên bişikîne, wan bigindirîne da ku bibin sermestiyeke sihrî û xweşik. □



»Li Dijî-Oedipe« dergehê jiyanekê bê faşizm e

Lî Ewrupayê, di salên 1945-1965-an de, rêçekerke tendûristane bo rêmamandinê (têfikirinê), şeweyekî destnişankirî bo gotara(xîtaba) siyasi, û sincine (exlaqine) destnişankirî bo yê rewşenbîr, hatibûn peydakirin. Bivê nevê, gerek mirov peywendiyekê gur û germ ligel Marks girêbida, û gerek nechiştâ ku ramanên wî mişext bibin û ji Sigmund Freud bi dûr bikevin, gerek rêxistinê rêber bi rêzgirtineke pir bilind çareser bikira. Ev hersê merc di warê mijûlbûna mirovan de; mijûlbûna bi nivîsandinê û mijûlbûna bi gotina beşekî ji rastiyê, ci li ser xwe û ci li ser serdema xwe be, dihatin pejirandin.

Pişt re pênc salên bi lez, xwîn germ, pênc salên ji kêfxweşî û mamiikan, bi ser Ewrupayê de hatin. Li ber dergehêne vê cîhana me, bê guman, Vietnam wek yekemîn kulma ku li bin guhê desthilardariya damezirênkâr diket, radiwestiya. Lê li vir, di nav paşila me de û li ber çavên me, ci çedibû? Tevliheviyek ji siyaseta şoreşgérî ya li dijî gemkirinê? Ceng ji li ser du eniyan dadayıye: Xwînmijiya komelayane û gemkirina psîkolojane? Hilperikîn û bi hêrs hilkişîna Libidoyê ya ku ji alî pevçûna di nabera çînan de hatibû dirustkirin û amadekirin? Renge wisa be.

Ku çawan be ji, ev şirovekirina naskirî û dualî bûbû bahaneyâ ku bi alîkariya wê; bûyerên wan salan ronî dibûn.

Xewna ku di navbera şerê cîhanê yê yekemîn û derçûna faşizmê de; bi çelengiya xwe qatêن utopîk li Ewrupayê – li Elmanyaya Vilhelm Rayş û li Fransaya surealistan – sermest kiribû, ew xewn vegeriya da ku ji nû ve pizota wê rastiyê bi xwe, gur bike: Marks û Freud bi heman gurbûnê hatibûn conîkirin.

Lê, ma bi rastî tiştâ ku çê bûbû ev bû? Ma bi rastî ji pirs bi vejandîna projeya otobi ya salên sihî ve, û vê carê di seviyeta bikaranîna dî-

rokî de, girêdayîbû? Yan jî bizavekê, berê xwe da berevajiya vê rewşê, berê xwe da nakokî û pevcûnên siyasi yên ku qet nema li gel nimûne-dariya (nimûzeca) ku rewişa Makîşî bîryar li ser dabû, digunciyan? Yan jî berê xwe dan alî ezmûneya xwezayê (tecrûbeya rexbetê) û teknikên wê yên ku nema bi Froyid ve girêdayîbûn? Bê guman çend alên kevnar bilind bûbûn, lâbelê şer ji meydana xwe hat guheztin û di çend herêmên nû de bi cih bû.

"Li Dijî-Oedipe" yekermîn tişt û berya her tiştî berfirehiya meydana nixumandî, eşkere dike. Lê ji vêya bêtir û ji vêya gelektir, pêk tîne. Rûreşkirin û devavêtina pûten pîrbûyi, tinazî û lîska bi Freud re jî, vê berhemê tar û mar nakin û giranbuhayıya wê jî qels nakin. Di bingeha xwe de, nav di me dide, me dehf dide ku em berê xwe bidin kûrâhiyên dûr, ên pir dûr.

Xwendina pirtûka "Li Dijî-Oedipe" mîna çavkaniyeke teorî yî nû be, çewti ye – ji xwe hûn wê teoriya bi navûdeng a ku hergav li ser dipeyivin û wê radîghînin me, dinasin: teoriya pir alî ya ku dê bi awakî reha, gelempêr û sozdar be û dê bersiva her tiştî bide, dibêjin ku "tu yê pir hewcedarı vê teoriyê be" bi taybetî di vê serdema ji hevketî de, serdema pisporiyê, serdema ku bê hêvî maye.

Gerek di nav vê xirecira tîrsnak a ramanen nû û bir û baweriyên têkperane (mifaci') de: Gerek em li felsefeyê negerin, çinkî "Li Dijî-Oedipe" ne peykerekî çîrusonki ye. Di bawerîya min de çêtirîn xwendin bo "Li Dijî-Oedipe" ew e ku mirov bixwîne û wek "hunerekê" li hember raweste, mebesta min bi hunerê ew hunera –wek nimûne-ku di çesnê "hunera erotîk" de ye, çunkî analîzkirina peywendiya arezûye bi realîtê re û bi "alava" kapîtalîzmê re, bersiva pîrsên berhest (mehsûs)pêşkêş dike, pîrsên ku guh didin çawatiya tiştan bêtir ku guh bidin jîboçiyetiya wan. çawan arezû di gotarê (xîtabê) û di kirinê de, li tevlî ramanê (fikrê) dibe? çawan arezû dikare, bivê nevê, di hundirê çarçewa siyasetê de xebatê bike, û di hundirê berdewamiya guhertina sistêma heyî "hunera erotîkî – hunera teoriyê– hunera siyasetê" de, çawan dikare bi hêztir bibe?

Li vir, hersê dijminen ku pirtûka "Li Dijî-Oedipe" dixwaze li hemberî wan raweste, derdiçin.

Sê dijminen ku di hêzdariya xwe de ne wek hev in, û di tirsonakiya (xetera) xwe de ji hevûdû cihê ne, pirtûk jî bi alavine cihêreg şerê wan dike.

I – Sofiyen siyasi, şoressgêren bêzar, teroristên teoriyê, û ew kesen ku

dixwazin sistêma zelal a siyasetê û gotara siyasi biparêzin, û bîrokratîyen şoreşê û karmendêna rastiyê.

2 - Teknikzanêne arezûya belengaz - psikoloji û sîmyotîkzan - ên ku dixwazin hemî rûdan û nişnanan binivîsinin û dixwazin sistêma arezûyê ya piralî di qanûna strûktûrê de û di psporiya dualî de, kurt bikin, biqurmiçtinin.

3 - Dawî ji dijminê strateji ye. Dijminê herî mezin e, ango faşizim e. Ne hema tenê faşizima dîrokî ye: Faşizima Hitler û Mosolinî ye - ya ku xweşik dizanibû dê çawan arezûya xelk û cemawerên xwe qezenc bike - Lê belê faşizma ku di hundirê me de, ku di hundirê me tevan de bi cih bûye, û desthilatdariya xwe li ser aqil û dan û stendina me ya rojane dike. Faşizma ku ji bo bi destxistina desthilatê, me sermest dike.

Pirtûka "Li Dijî-Oedipe" pirtûka zanistiya exlaqî ye - bila herdû nîviskarên wê li min negirin - Yekemîn pirtûk e ku li Fransayê di vî warî de hatiye nîvîsandin û ji mêt ve me tiştekî wilo nedîtriye." renge ji bo vê yekê ji, serkeftina wê di nav xwendevanên taybetmend de, bi sînor nebû: Eger mirov li dijî Oedipe be, awayek ji awayen jiyanê ye, rengek ji tengên téramandin û jiyanê ye".

Gerek em çawan bixebeitin da ku em nebin faşist, bi taybetî hetanî wexta ku em ji xwe bawer dikin ku, em xebatkarine şoresgér in? çawan em dikarin aqil û hişê xwe, kirinên xwe, dilên xwe, û xweşiyên xwe ji faşîzmê rizgar bikin?

Nîviskarên sincî (exlaqî) yên fileh di nav qermiçekên giyan de li şopâ lêş digeriyan. Lê Deleuze û Gottari pirê caran kêmîtirîn şopêna fa-



Michel Foucault

şîzmê di lêş de destnîşan dîkin.

Em dikarin bibêjin "piştî ku em silavêن xwe, silavêن pîrozbahiyeke biçûk, pêşkêşî San Franswa Dosal bikin" ku pirtûka li dijî Oedipe dergehê jiyanekê bê faşîzm e.

Ev huner: Hunera jiyanâ berevajî hemî formên faşîzmê, faşîzma bi cî bûyî û ya ku xwe amade dike da ku bi cî bibe, li gel çend prensîbêن bingehîn ên ku ez dê li jêr wan eşkere bikim, vê pirtûka giranbuha û bê mînak; dîkin rîber û alava jiyanâ rojane:

— Xebata siyasi ji hemî formên yekalî û pîralî yêن paranoyayê rizgar bikin.

— Kirinê, ramanê, arezûyan bi, ji dayikbûyînê, û bi linikhevdanînê, û bi jihevcihêkirinê, bi hêztir bikin.

— Ji têrmên kevnar ên dîlîtiyê, yêن nêgetîv – qanûn, sînor, xesandin, psporî û valahî- yêن ku her û her di ramana rojava de, wek formên desthilatê û wek şeweyen têghiştina realité; bi pîrozmendî dihatin parastin, rizgar bibin. Pirhejmariyê û nakokiyê û pozitîviyê biparêzin, li dijî wekhevî û yekfikirinê bi tundî rawestin.

— Bila tu carî neyê bîra we ku mirov, tişta ku ji bo wê şer dike çiqaşî békêr û kirêt be jî, gerek bêzar be ta ku bibe şoressgêr. Peywendîya arezûyê bi realité re bi xwe xwedî hêzeke şoressgêriyane ye; "ne ku rev û bazzana ber bi wekhevbûyînê de".

— Tucarî ramanê nexebitînin da ku hûn nirkê rastiyê bidin xebat û karên xwe yêن siyasi. Herwiha çalakiya siyasi bi kar neynin da ku hûn ramanekê ji ramanan qels û lawaz bikin mîna ku bazar û bazirganî be. Xebata siyasi ji bo çesipandin û rehdaçikandin û kûrkirina ramanê bi kar bînin.

— Tucarî avakirina "mafî" takekesan (ferdan) wek ku felsefeyê destnîşankiriye ji siyasetê nexwazin. Takekes berhemê desthilatdariyê ye. Pêdivî (wacîb) jî "tunekirina forma takekesî ye". Gerek ne hema tenê komele peywendiya jîndar a yekbûna takekesan be, lê belê gerek bibe xebatkara herdemîn a tunekirina forma takekesî.


— Bi evîna deshilatdariyê sermest nebin.

Em dikarin ji wilo dûrtir herin û bibêjin ku Deleuze û Gottari pir kêm ji desthilatdariyê hez dîkin, hewl dane ku kirinê desthilatdariyê yêن ku bi gotara wan i taybetmend ve girêdayîye, bê alîgirî nişan bidin. Pişt re rola lîsk û xapandinê berfireh ên ku di hemî rûpelên pirtûkê de bi cî bûne, têt. Lewra wergerandina pirtûkê ezmûneyeke (tecrûbeyeke) aloz e, pêdivîyi hêzdariyê ye. Lî pirs ne hema bi wan xefk û

dafêñ vedayî ve girêdayîye: Xefkêñ rewânbehîjîyê (belaxetê), û xapandînêñ ku cilê ji bin lingê xwendevanan dikişînin da ku xwendevan agahdarî lîskan nebin. Da ku di dawî de wan wek piştgir û alîgirêñ doza dahêneran, qezenc bikin:

Xapandinêñ pirtûka "Li Dijî-Oedipe" xapandinêñ tinaziyê ne: Bangêñ radestbûn û qewirandinê çiqasî pir in, bangêñ ji dest avêtina pirtûkê piştî bi dû xwe de girtin û asêkirina derî çiqasî pir in, gelek caran pirtûk me dehf dide gumana ku tenê ji bo lîsk û pêkenînê ye, heranî di wan mijarêñ bingehîn de jî wisa dixuye: wek, bi peyketin û qewirandina hemî formên faşizmê, formên hêzdar ên ku me dorpeç dikan û me dipelçiqînin heranî formên bêkêr ên zordariya tal a jiyanêñ me yên rojane. ☐

* Ev deq cara pêşin bi firansî di kovara *Gencîneyêñ wêjeyî* de, di hejmara pêncan a sala 1988an de, hetiye belavkirin. Me jî ji erebî ji kovara nivîsandinêñ nûjen wergerandiye kurdi.



Hemî mirov feylesof in

Berhemên Gilles Deleuze [1925–1995] baya jiyanke nû di felsefeyê de weşand, lê belê ev bi awayekî welê çêbû ku dibe ne tam felsefik be. Di hemî kariyerê jiyanan xwe de wî pirseke bingehîn kir: Mirov çawa jiyanke bextewar bijî? Çawa em dikarin di cîhanê de kerbêl dilbijîn bigihînîn kêtteya herî bilind? Deleuze'yi dîroka felsefeyê (digel dîroka edebiyat, huner û sînemayê) wekî xelîtokekî hacetan bi kar anî, da ew bikare vê problemê fêm bike.

Di qunaxa pêşiyê ya kariyerê jiyanan xwe ya di salên 50- û destpêka salên 60-yî de Deleuze nependî xebiti. Wî li Sorbonnê dixwend, digel ku piraniya wan feylesofen navdar yên fransî (yek jî wan Althusser, yekî din Foucault û yê din Derrida) li wê unîversiteya têrprestij École Normale Supérieure-yê dixwendin. Deleuze ne endamê partiya komünîst jî bû, herwekî ku piraniya xwendekarân hevdemên wî endam bûn. Bêgurnan Deleuze di hemî jiyanan xwe de beşdarî rêxistinên ci-da yên çep bû (raperîna xwendekaran ya gulana 1968-an, otonomistên italî yên salên 70-yî û rêxistina Filistînê), lê wî xwe jî hemî têkiliyên rêxistinî bi partîyan re vedida. Ew bi dirba xwe ve çû, dirbeke welê ku hem têralî û hem jî yekalî bû.

Di dawiya dawî de gava ku Deleuze navdar bû, wî bi awayekî pir bi diqet xwe jî pozisyonâ rastgoyê civata vekirî veda, [pozisyonê] welê ku feylesofen din yên fitansî toyê wê avêtibûn. Ew pir nedigeriya, kêm caran hevpeyvin qebûl dikirin û qebûl nedikir di TV-yê de der-bikeve – ne ji ber ku ew pir şermoke bû an jî lê dixebeitî ku kesayetiya xwe di mîsteryoma destnegihanê de veşêre, belki pirtirîn ji ber ku wî bi çavekî kirêt li wê desthilata ku têr dayîn bo feylesofekî navdar dinêri.

Berhemêñ Deleuze'yi yên desrpêkê (berî 1968) piranî ji monografiyên li ser qehremanêñ girîng yên dîroka felsefî ya ewropî pêk têñ, hînek ji wan Hume, Bergson, Nietzsche, Kant û Spinoza ne. (Paşê wi pirtûkek di heqê Leibnizî de ji li wê rista xwe zêde kir.) Di van pirtûkan de Deleuze'yi tagiriya şagirteki ku lê dixebite disiplîna felsefeyê fêr bibe kir. Bi keşkeyî û awayekî pedagojîk yê zelal wi ew tiştîn giranbiha yên ku wi li nik her feylofekî diditîn pêşkêş kir, û wi welê kir ku ramanêñ kevin bibin wekî yên jîndar û hevdem.

Lê belê her di eynî demê de wi avahiyê dîroka xwe ya felsefî ji çêkir. Vi awayê nivîsandina dîroka felsefeyê hişyariyek dida tradisyonâ transsensual [tişta ku li derveyî tixûbêñ têgîhiştina hiş û bîran be] ya felsefî ku hingê di unîversiteyên fransî de serdest bû. Hîletê Deleuze'yi ji diyalektîka Hegel û idealizma Platonî dicû. Wi bawer dikir ku hîzîrîna transsensual di dawîya dawiyê de hemî tecrûbeyan di yekîtiyeke idealist (ya ji formên rûhanî) de dicivîne; [yekîtiyeke] welê ku hemî xweserî û cidayiyêñ dînyaya materyalist inkar an ji bicûk dikir, nemaze laş û hestêñ me.

Ji lewra Deleuze'yi ji her feylofekî ku ew li ser rawestayî
Bêjeyeke sereke bijart; bêjeyeke welê ku bikare arîkariya afîrandina felsefeyeke materyalist û pratîk bike. Li nik Humeyî wi fikira cemaet û federasyonê dît, li nik Bergsonî fikira cidayetyî dît. Nietzsche'yi ramana erêni û piştarciyê da wi, û Spinozayî meshûmê şadî û bijandinê li nik wi bi pêş de bir. Her lêkolîneke felsefî-dîrokî ya Deleuze'yi bi serê xwe niqteyekê bîriqdar e di tevkariyeke rebût de ku dîrokekê li ser felsefeya maraeryalist, felsefeya hevpişkiyê, ava dike.

Sala 1969-an Deleuze'yi du pirtûk wêşandin, ku tê de cara pêsiyê ramanê wi bi xwe derdikevin pêş, "Différence et répétition" û "Logique du sens". Ev herdu pirtûk sentezek yan ji belki pirtir lêhûrbûnek bin ji hemî avahiyê wan niqteyêñ ku wi di pirtûkên xwe yên berê de pala xwe dabûyê. Niho wi ew îdeyêñ xwe ne tenê di warê felsefî de belki herwiha di warê matematîkî, biyolojîk û psikolojîk de kûr kirin û di eynî demê de wi ev îdeyêñ xwe bi tekstên edebî ve girê da; ji wan ya herî balkêş "Alice li Welatê Ecayêban" ya Lewis Carrollî bû.

Gava ku Deleuze'yi "Différence et répétition" (ko digel pirtûka di heqê Spinozayî de teza wi ya doktorayê pêk dianî) li Sorbonnê pêşkêş kir ew bi profesorekî xwe re rûbirûyê berberiyekê mezin bû. Wi [profesorî] idia dikir ku berhevoka Deleuze'yi ya bêserûber û ji warêñ cida

delilek e ku berendamî xweseriya hîzirîna felsefi ji bîr kiriye. Deleuze-yî xwe parast, bi nermahî û belgeyan wî izbat kir ku profesorî bi xwe ew fêri rîzgirtina xweseriyêni disiplîna felsefeyê kiriye.

Lê cardin jî di hemî niqteyên girîng de profesor xudanheq bû. Di heqê felsefeyê de mefhûmê Deleuze-yî ne tenê ew tradisyonâ akademîk dihejand, herwiha ew ber bi aliyêne pir dût ve dixurimî.

Di salên şêstiyî de na-sitiya Deleuze-yî bi du pêngavêne bextewar re çêbû ku birh li kariyerê wî kir. Demeke kurt pişti derêxistina pirtûka wî ya di heqî Nietzsche-yî, 1962, de wî Foucault nas kir, herwiha ew jî bi Nietzsche-yî hatibû qebûl kirin. Berhemâ Foucaultî di wê demê de li Fransayê pir dihat nas kitin. Foucaultî têkoşînên mezin ji bo derêxistina karê Deleuze-yî ji tarîstanê kir. Wî di hevpeyîn û nivîsar de barana pesinan bi ser Deleuze-yî de barand û ew bi navê mezintirîn feylesofe hevdem yê Fransayê bi nav kir.

Gilles Deleuze

Foucault tê gehîst ku karê Deleuze-yî ji-nû-ve-zayına formeke jibîrbûyi yê felsefekirinê ye: "bi navê Deleuze birûskekê ya vedayî: hişike nû mimkûn bûye; yanî niho mimkûn bûye ku mirov bihizire".

Deleuze-yî jî ji aliyê xwe ve çend nivîsar li ser Foucaultî nivîsandin. Pişti mirina Foucaultî, 1984, Deleuze-yî lêkolînek ku rohnîtirîn û kûrtirîn analîza li ser berhemêne Foucaultî ye weşand.

Çend salekê pişti hingê Deleuze-yî psîkoanalîst û siyasetvanê aktiv Félix Guattari nas kir. Guattari di pratîka xwe ya klinîkî de têkiliyêne nexweşan yên azad û wekhev û metodîn saxkirinê yên enteraktiv diceribandin. Wan herdûyan hevaltiyek dan dest pê kirin, hevkariyeke

intensiv bi hev re kirin ta ku Guattari di sala 1992-an de mir.

Bêguman Guattari bû ku ji bo Deleuze'î mimkûn kir ku ew karê xwe yê felsefi-dîrokî ber bi pirsên civakî û siyasî ve fireh bike. Ji bilî vê Guattariyî rengekî nû yê stîlistik da pirtûkêñ ku wan bi hev re nivîsandibûn. Nesira Deleuze'î ya req û zelal bi banêşanêñ polemîk û terminolojiyeke tinazker û xweserane dihat nivîsandin.

[---]

Di dirba hemî jiyana xwe de Deleuze'î xwe bi pirsên esterîkî ve jî mi-jûl kir. Ji nav gelek kesan wî di heqê Leopold von Sacher-Masoch, Pierre Klossowski, Walt Whitman, Herman Melville, Franz Kafka û Samuel Beckettî de nivîsand. Mihtemelen analîza wî ya edebî ya herî meşhur pirtûka wî ya li ser romana Marcel Proustî ya ku [Deleuze] tê de şopa teoriya nişandek û bîranînan dibîne ye.

[---]

Ka em cardin vegerin ser pîrsa profesori ya ji dema parastina [teza] Deleuze'î li Sorbonnê. Ma qey Deleuze'î têkilî bi xweseriya hizirîna felsefi re winda ne kiri bû?

Bi rastî jî Deleuze'î bawer nedikir ku seylesofê bi desgehê ve girêdayî rewşike awarte heye. Betevajîyê vê têt bawer kirin ku wî [Deleuze'î] keşif kiribû ku karê felsefi û vejîyandin li hemî deran berdewam e, di edebiyatê de, di hunerê tabloçekirinê de, di sînema û jiyana rojane de.

Deleuze'î formûlasyona Gramsciyî müşexes kir: Hemî mîr û jîn seylesof in. Rojekê dikare welê diyar bibe ku ev pêkvegirêdana di navbera felsefe û jiyana rojane ya kar û afirandinê de, bibe diyariya herî girîng ya Deleuze'î ji felsefeyê re. ☐

Gilles Deleuze piştî problemên xeter yên bêhînkişandinê, 4-ê çiriyapaşiyê 1995-an xwe bi avêtina ji pencereya daireya xwe li Parîsê kuşt.

Ev nivîsar ji rojnameya bi swêdî *Dagens Nyheterê*, 13/12 1995, hatiye girtin û wergerandin, û hinekê jî hatiye kurt kirin.



Çanda kurdi, rewşenbirê kurd û pirsa nasnameyê

Ev lêkolîn me naçar dike ku em bi Ekurtî li ser paşeroja struktur û bingehêن civata kurdewarî û li ser gorepan û rewşa giyanî û rewşenbirî ya vê civatê rastestin.

Em tev pê dizanîn ku avahiya şaristanî ya civata me avahiyekê gundiyane ye, ta tro jî, struktur û awayên têramandin û hîzr û baweriyêن me, dî çarçewa vê şaristaniya gundiyane de berdewam in, reh-ajo ne. Hemî hêza me ya derveyîn û ya hundirîn jî bi vê şaristaniya gundiyane dilive. Bi sînorkirina vê hêzê û di vê pévajoyê de jî, seviyeta nasnameya çanda me têt destnîşankirin.

Eger di vê çarçewê de çend kes wek nimûneyên xwedan seviyeteke çandeyî yi balkêş û cihêwaz (istisnayî) hebin jî, di hundirê seviyeta giştî ya çanda me de, ew kes, biyanî û bêbandor in.

Lewra ew bîr û baweriyêن ku barûdoxên (zirûfîn) siyasi û dîrokî dikin bahane û sedemêن bi şûndemayîn û astengêن li ber pêşveçûna çanda kurdi ya ku xwe ferz dike, ew barûdox ji me tevan te eßkere ne, digel peydabûna çend bîr û baweriyêن cihêreng di warê destnîşankirina as-

tengan de.

Di vê lêkolînê de, wek li ser rawestaneke bi lez, em dixwazin rola rewşenbirê kurd di kûrkirin û alozkirina wan astengêni siyasi û dîrokî de ronî bikin.

Rola rewşenbirê kurd di vî warî de, wek gotareke reha (xitabeke murdeq), rola çesipandina wan astengan e, çawan? Wextra ku rewşenbirê kurd li tevlî jibermayêن ramana êlî û olî dibe, ev ramana ku tro bûye bareycke (haleteke) siyasi, û bi bêagahî di hişê rewşenbirê kurd de û di çanda wî de bi cih bûye, rola rewşenbirê kurd di vê çarçewê de, astengê ber bi astengeke dîtir ve dibe.

Lewra em dibînin ku zimanê me; ji bo xwendina cihanê û ji bo xwendina zimanê me bi xwe jî, di vê astengê de, dorpêçkirî ye. Radestbûna (teslimbûna) rewşenbirekî kurd li beramberî xwendin û danûstendina bi dequekî (têkst) ramanî yan felsefi yan jî dequekî wêjeyî, bi zimanê kurdi, ji ber vê yekê tê.

Sedema wê radestbûnê jî ew e, ku rewşenbirê kurd zimanê xwe wek proseseke berdewam ji bo gotara siyasi û rojane û sade bi kar aniye. Herwiha, ta tro, rew-

şenbîrêñ kurd bi giştî, destêñ xwe aveti-
ne; tenê, wan deqêñ ku di seviyeta çand
û têgihiştina wan de bin. Ji xwe werge-
randin, li cem rewşenbîrêñ me û di cîha-
na çanda me de, hê ji wek bizaveke rew-
şenbîrî li meydanê peyda nabe. Nebûna
bizava wergerandinê hiştîye ku astenga
zimanê me kûrtir bibe.

Serbarî vê struktûra paşmayî (aborî, za-
nistî, komelayetî) dîn, rola herî giring di
vê paşmayînê de dilize û bi çewtiyên
rengvedana (reflection) xwe, hêdi hêdi,
dibe desthilatek (sulta).

Lewra pîrsîrêkêñ rewşenbîrî û zimanî,
me naçar dikin ku em çend pîrsîn gu-
manhilgir, rû bi rû, pêşkêşî rewşenbîrêñ
kurd ên roja tro bikin:

- E. Xanî bi hewldanêñ xwe yên mezin,
bi helbestêñ xwe yên sofiyancı felsefiya-
ne, bi Mem û Zîna xwe, di nava wan ba-
rûdoxêñ çetin de, di civata nexwendewar
û bi şûndemayî de, li bin perêñ Imareta
Botan, çawan karîbû sîma, giyan, hest û
nestêñ wê komelê di nav rêz û bendêñ
dastan û helbestêñ xwe de bi gewde bike,
çawan dikarîbû wê kesayetiya gerdûnî bî-
de nasnameya rewşenbîrî û bide zimanê
kurdî?

- Eli Berdeşanî di serdema xwe de, çâ-
wan dikarîbû folklor û stiranê devikî yi
gelêri diyari zimên bike, çawan dikarîbû
laşê xwe yi şérîn di laşê wan helbestêñ sti-
ranamêz de bihilîne, û çêja wi laşî li ser
zimanê giyanê me hetanî tro bi cî bike?

- Mehwî bi perçe Işraqatêñ xwe ku bi
ví zimanî ne, çawan dikarîbû me, nifşen
tro, bibe nav laşê yekîtiya hebûnê (wihi-
det elwicûd).

- Li vê tarawgehê (sergumgehê, menfa-
yê), ku giyanê me yên tîbûyî tîna xwe bi
helbestêñ dûrketina ji Hebibe, helbestêñ
namoamêz (Ixtîrab) ên Nalî dişkînin, ge-
lo çîma digel van ezmûneyen kûr û tevlî-
hev ên jiyana tarawgehê, hetanî tro, li gor
serdema Nalî, çîma em di çanda xwe de
pêrgî helbestekê yan deqekî pexşanî na-
bin ku bikaribin toza tarawgehê ji ser gi-
yanê me daweşnin?

Pîrsîn jorî û çend pîrsîn dîtir ên wekî
wan, me datînin ser duryana gumanekc
dualî, bi awakî ku vê lêkolinê ber bi afi-
randina gumanan û pîrsîn dudil de dehf
didin.

Eger aniha em li nik sinorêñ ezmûne-
yên çanda navnetewî rawestin, em dê
pêrgî gelek ezmûne (tecrûbe), bîr û ba-
weriyên felsefî û ramanî û rexnekarî yên
nûjen ku li hemberî ramanêñ ideolojî
yên siyasi û olî radiwestin, bibin. Wan ezmûneyen
navnetewî asoyêñ békutayî bo
rewşenbîran û çandê vekirine. Lê meyda-
na hîşyariya rewşenbîrê me ta tro ji, hê ji
di warê çandeyî de bi wê cîhana bê bizav
ve girêdayîc.

Ji bili çend rewşenbîr û çend deqêñ ku
li ser tiliyên destekî têñ hejmartin, ku
wek diyarde, di hundîrê vê xeleka reha û
giştî ya çanda me de, biyanî ne, dîmena
giştî wisa dixuye, çînkî çanda me bi xwe
li ser struktûrêñ diyaloga hestêñ sade yên
ku wek bersivdaneke reha, ji dîn û ji siya-
setê hatine, hatiye damezirandin. rewşen-
bîrê me ji da ku vê zemînê berfirehtir bi-
ke, hewl dide ku şêweyê nivîsandina xwe
bi awakî sozamêz (atifi) û stiranî pêk bîne
da ku hestêñ sade yên xwendevanêñ xwe

bidiqdiqîne.

Lewra, li vir, pêwist e em pirsekê ji rewşenbîrê xwe bikin:

Eger em rewşenbîrê kurd ji hişyarî û nasnameya wî ya siyasi û rôxistinî rût bikin, dê teorî, bîr û bawerî, rôberiyêñ fel-sefi û wêjeyî yên ku çanda rewşenbîrê me çedikin, ci bin?

Eger rewşenbîrê Kurd bixwaze di warê rexneyê û zanistiyêñ psikoloji û wêjeyî û rôbazên analizê de lêgerin û lêkolînê bike, ji derveyî bersiva siyasi û sadeyiyê û têkperin (infat) û slogan û duruşmeyêñ ku di çanda me de komin bûne, dê kijan teorî û biran (Burhan) alkariya wî bikin?

Ezra Pawend (E. Pound) dibêje: "Eger em tiştine nû nedîn xelkê, tiştine ku pê nîzanibin, dê tu carî meydana zanebûna wan berfirehtir nebe."

Necihêkirina gotara civakî ji ya çandeyî, bi serê xwe, beşek e ji astenga zimanî ya çanda me. Mebesta min ew e ku zimanê rewşenbîr gerek ji zimanê civatê ci-hê be; çunkî xwegirêdana bi gotara civakî, di bingeha xwe de, xwegirêdana bi wê gotara xerîzî û rimakî û kevnesopî ye, ku desthilatdariya bêbizav a civakî û siyasi ye. desthilatdariya ku di neagahiya gişti ya rewşenbîrê me de û di aqil û gorepana berdewamiya me de komin bûye.

Rewşebîrên ku di vê çarçewê de per-werde bûne, li dijî pirs û dahênanâ ku ji derveyî wê desthilatdariyê têr, radiwestin.


Lewra gotara me ya civakî bi rewşa me ya siyasi û dîrokî re xwes digunce û pirs û gotara rewşenbîrê me ji di vê hêlê de ber-dewam dibe.

Di baweriya min de, mirov dikare rewşenbîrê Kurd bi gişti bi vî awayî bide na-sîn. Lewra, lêpirsin û xwendin û destnîşankitina nasnameya rewşenbîrê kurd, ci li hundir û ci jî li derveyî welêt, giringtitin erk e, xemsariya di vî warî de dê kûrkirina asteng û pirsgirêkan be; dê kûrkirina pirsgirêka nasnameya rewşenbîrê Kurd be, ji alîkî ve, û dê kûrkirina wê desthilatiya ku me li jor nivîsandiye, ji alîkî din ve, be.

Lewra ci hewldan ku ji derveyî liserra-westan û hûrlêtemaşekirin û têghişin û analîzkirina û pîrsiyariya li hoker û sedemên astengên civakî û siyasi û dîrokî û aborî û oli, dest pê bike, dê vegera heman baweriye, mebesta min baweriya gelimper i reha û bêbizav e, dê rewşenbîr ji ber bi tenhatiya xwe de vekêse, ber bi tenhatiyê ve vekêşana rewşenbîr ji, wek serencam (netice), egoistiyeke nexwes pê re peyda dike, îca vê carê li dijî pîrsên raperînxwaz û li dijî dahênan û afirandînê radiweste. Li beramberî yên dîtir heman astengê bi kar tîne. Evê bi xwe ji hiştiye ku hemî hewldanêñ dahênanê têkbiçin û di eynî wextê de jeografyaya çandeyî ya kevnar û genî bête parastin.

Bi vê pîvanê em dikarin taybetmendiya (xisûsiyeta) kesayetiya (şexsiyeta) taybet a rewşenbîrê xwe binasin, kesayetiya ku bi rehêñ xwe dighêje qonaxa desthilatdariya olî ya kevnar û palpişta wê ya gundiyanê û dualistiya bersiva siyasi ya efsanewî û xemgîn. □

Di hejmara qan de ev lêkolîn berdewam dibe.



Girê Mozan

Cih

Vekolîna li Girê Mozan ji sala 1984an ve di bin birêvebiriya Marilyn Kelly-Bucellatî û Giorgio Bucellatî de berdewam dike. Xerîte piraniya cihê vekolinê diyar dike. Di-rejayıya girê bilind nêzîkî 600 metrî ye, bajar û derdora wî nêzîkî 1500 metrî ne û bilindayiya gir ji erdê 28 metr e. Li gor vê êdî ev cih di dema boşıya xwe de dibe yek ji mezintirîn cihan li tevayıya Sûriyê, di sê hezarê salên sisiysan de yên berî zayînê. Ji bili mezinbûnê rasitiyke dinî balkêş, ya Girê Mozan heye, ew jî homojeniya radeya nişte-cihbûna wê ye: weke ku em dibînin, delîlên dariçav, yên niştecîhbûnê vî cihî diyar di-bin, ji serê gir bigire ta binê wî û ta derdorêne derve yên bajêr jî, hê ji sê hezarên sisiysan ve yên berî bayînê.

Herêm


Deşta Xabûr li rojhilate Sûriyê roleke sereke di pêş-veçûna avakirina bajarvaniya kevn de leyistiye. Dibe ku di hin radeyan de bûbe hemberê bajarvaniya bilind, ya Sûmeran li deşta heryane li başûr. Çandinî yek ji faktorên vê pêşveçûnê ye. Herêm weke îro, di heyamên berê de jî bi xêr û bêr bû. Çandiniya bi ava baranê her û her têrê dikir û pêwist nedikir, ku cotkar zeviyên xwe avbidin. Bi saya vê axa bi bereket, bajaren nû peydebûn, û hê di destpêka dîroka şaristaniyê de ev bajar mezinbûn. Bajarên mezin weke Chuera,

Birak, Mozan û Leylêن şahidên diyar, yên vê yekê ne.

Mirov dikare bi ewlekari bibêje, ku sedema sereke ya mezinbûna hêza bajarekî weke Girê Mozan, cihê bajêr bû. Ew cih kilita bazirganiya di nav çiyayên Anatoliyayê de, ev çiyayên bi madenê sıfır (û dibe ku bi pilê jî) zengin û di nav bajarvaniya mezin de, ya li başûr bû. Di vî warî de çiyayê Mêrdinê, yê di dîmenê Mozan de pir darıçav e, nişan e; hejmara mezin, ya tiştên bronzî, di vekolinên me de, dibe ku delilên giringiya Mozanê kevnare bin, çawa ku dergehê bazrganiya maden bû di dîroka Sûriyê ya kevn de.

Dirok

Weke hîpotêza kar, em goman dikan ku Mozan digehe bajarê kevnar Ûrkîş, yê ku li vê herêmê diket û ji mêt ve tê goman kirin, ku li cihê girê bajarê Amûdê be. Ji dema ku me karîbû, em xwe bispêrine rastiya, ku girêdana Ûrkîş bi gitê Amûdê ve şas e, em dibînin ku hemû argumentên ji bona Amûdê û Ûrkîş hatibûn bikaranîn li ser Mozan (ku li nêzîki Amûdê girê herî mezin e, yê ji dema sê hezar salî ve b.z.) û Ûrkîş pêktên. Tevlî ku armanca vekolinên piştre ew bû, da diyar bikin, ku Mozan ne Ûrkîşa kevnar e, lê dîse ev cih û profilê navenda Hüriyên kevnare li hev tê: Hiskere ye ku Mo-




zan sê hezar salêن b.z. gehabû radeya xweyi bilind, û du hezar sal b.z. melûl bûbû û dawî gişt di nîvê du hezarsaliya b.z. de wêran bûbû.

Sê hezar salêن b.z. heyama Ebla li rojava ye, û heyama Marî û Sûmeran li başûr e. Dibe ku rengekî taybetî ji çanda wêyi materyalî (arkîtektûr û nemaze sıramîk) bi deshpêka bajarvaniya Hûriyan ve girêdayî be, çaxê ku Ürkîş weke navenda siyasi û olî, ya sereke dihate naskirin. Di hebûna bajarvaniya Hûriyan de, ya sê hezar salan b.z. de hinekî dütinêن cuda hene. Lêbelê dawiya dawî ku mirovén heyamên berê, yên li Mozan dijîn bigehine ci resenî ji, dîse rastû ew e, ku li vit bermayên bajarvaniya sûrî ya kevnar dariçav in.

5000 sal b.z.	Till Halaf
4000 sal b.z.	destpêka Birak û Leylên
	bandora Sûmeran
3000 sal b.z.	destpêka Mozan û Chuera
2500 sal b.z.	sûrha bajêri hundur li Mozan
	serê girê Mozan
	pûtxana BA li Mozan
2300 sal b.z.	Akadan Birak bindestkirin
1800 sal b.z.	Heyama Xabûr: Herêma C1 li Mozan
	serê girê Marî û Leylên
1500 sal b.z.	Heyama nûzî: Herêma BH li Mozan
	wêranbûna Mozan

Sûrha bajêr

Di bingeha jêr de, girê bilind bi sûrheke mezin hatibû rapêçan. Me li du cihêن gir, yên cuda vekolabû, herêma K û S1. Mixabin, ku ew li ti deran bi mezinaya xwe, ya ku bêgoman di wextê xwe de çavêن serdanvanan didagirt, nayê dütin.



Dîwarêن sûrhê gelekî stûr bûn, ew ji kelpîçan hatibûn avakirin û dibe, ku bingeha wê gehabû latê (hê dive bi vekolanê were derxistin), û bircêن zêrevaniyê ji li hawîrdor di sûrhê de hatibûn avakirin. Kaşekî bilindî lihevhatî ji nav bajarê nizim dirabû û digeha

binê sûrhê (çawa mirov bi rengekî ferchîr di kelehêن heyama navîn de dibîne, weke li keleha bi nav û deng, ya Helebê); di dora vî girî de, dibe ku sengerekî ferehî tijî av jî hebû, lê eger wilo be jî, hê em di vekolanêن xwe de negehanê. Dereng, di dawiya sê hezar salêن b.z. de, xwiya dike ku bajar tev dikeve bin rûdana jîbirkirinê, ji wê jî hew erkê parastinê yê gir dimêne û senger bi ax û kevirêن ji avayiyêن bajêر, yêن hîrivtî tê dagirtin. Di parçê, ku me kolayî de, me kavilê embarkekî dît, ew ji cihekî ji hundurê bajêر hatibû dagirtin û bi xitmeke giring hatibû muhrkirin, dibe ku xitma li ser derî be, dema wê jî ji nîvê sê hezarê sisiyan yêن b.z. ve ye (Destpêka Xanedaniya III).

Ji ber berdewamiya ferehbûna demografi, gerek e bihatana xwiyakirin, ku sûrheke din di wê demê de li derbedrê bajêر hatibû avakirin: di vî warî de lêkolîn ne bi miso-gerî hatine piştarstkirin jî, lê ferehbûneke ku dora bajêr tev dorpêç dike, tê dîtin. Di her radeyê de bêşik e, ji lêkolînêن me û ji lêgerînêن li herêma derveyî bajêr, ku ew jî parçekî ava bû ji bajêr, û ku ew jî tevayıya girê bilind ji heyama sê hezarê sisiyan yêن b.z. ve ye. Li herêmekê li derveyî bajêr, goristaneke hemdem hate dîtin û tê de jî komekte giranbuha, ya firaxêن ji sîramîk û bronz hatine dîtin.

Peykertiraşıya hezarsalêن sisiyan b.z.


Di cihekî şewitî de, hema hinekî li piş mihraba pûtxanê, me peykerê şerekî dît. Peyker ji kevn bû û li gor defîlên stratigrafi ew ji nîvê hezar salêن sisiyan yêن b.z. ve ye. Peykerên şeran di embarêن peykerên Sûmeran de têne dîtin, yêن ku adetêن wan yêن hunerî ji heyama şerî me ne, lê stîlê wan ji hev cuda ye. Sûmeran şer bi riheke darîçav dîneqîşandin, ew rîh bêhtir weke berstika cilêن heyama navîn bû, û kêm weke pirça ber sînga şeran bû. Gelekî stîl didane çavêن şeran, weke ku yêن hunermend ti caran şer nedîbin! Dibe ku şerî meyî Mozan ne weke yê hevrikê xweyî başûr şahîk be, lê ew ji wan bêhtir weke şerekî rastî ye. Neqşen pirça sînga şerî Mozan, tevlî ku hinekî gjîjol e jî, lê ew weke pirça rastî xwiyadike, lep bi xwe jî hatine neqîşandin. Bi gelimperî mirov yekser di şerî Mozan de tekeliyê di nav spehîtiya hesan û jîndariyê de dibîne, ku ew tekeli li derêن din, di wê heyamê de kêm bû. Dibe ku bi tenê du şerîn ji Ûrkîş, yêن niha li Motropolitan û Louvreyê ne dikarin bibin hempayê şerî



Mozan. Ev şerên bronzi bi awayekî reyalitir hatine neqisandin û bi desten peykertiraşen jehatitir hatine çekirin, lê mirov di wan de şengî û jiyan-dariyê, weke ya di şerê Mozan, dibîne.


Li herêma pûtxanê ferşekî kevirî hate dîtin, ew ji her dû aliyan ve neqisandî bû. Li aliyekevi vî abîdeyê bi serê xwe, neqşandineke neaderî hebû, ew komeke lawiran bû, hemû jî di haleta lebatê de bûn. Ev jî cudabûneke tûj di nav mijara lawirêna xâçkirî de, yên ji aliyê hunermendên súmerî li başûr dihatin neqisandin. Li cem wan lawir ji ber teşeyê xwe giring dihatine dîtin, ji ber vê yekê jî wan ew bi awakî simetri û gelekî bêliv bi cih dikirin. Di ferşikê me de neqs ne bi bang, lê bêhtir bi awakî xwezayî hatine çekirin, ew jî dihêle mirov biheste, ku ev komek ji garana lawiran e.

Bi mijara xwe, aliyê din ji ferşik hê balkêtir e. Yekî cotkar, haletê wî li pey dewarêni cot di dest de ye û kûcîkek di ser re hatiye danîn. Cotkar di dawiya dîmenekî de hatiye danîn û li piş wî cihekî ferehî vala hatiye hiştin. Ev herêma ferehî vala, xêzen qu-rçikî, yên ber bi jêr de heldike. Tişte din jî yê ku dihêle ew bêhtir dramatikî be, lingê cotkarî ji erdê tê hildan e, ew weke ku ji qurçikê hatibe. Ev bervecûna bi pêş de, bi ling, laş û serê cotkar ber bi pêş ve hê xurtir dibe û lebt di lingên dewêr de jî xwiyadike. Dîmenê ji ferşikê Mozan bi levanîna xwe, gelekî ji hunerê hevrikê xwe li başûr pêşketítir e, yên ku li ber xwe nedidan lebatê bi awakî wilo dramatikî bineqîşenin.



Seramik

Dema sîramîkê pêşî ta yê dawî, ku li Mozan hatine dîtin bi tenê drêjayiya hezar û pênc sed salî dikışêne. Sîramîkên herî kevn (destpêka sê hezar salên b.z.) firaxên xwesikî rengê pîrteqanî bûn, ew ji hudurû ve neqîşandî bûn (weke ku li jor tê dîtin). Ji ber ku cara pêşî Sir Mallowan ew li taqê kûr, yê pêncan li Ninewa dabûn naskirin, êdî navê Ninevîte V li wan hatibû kirin. Teşeyên pêşî, yên firaxên hatibûne çêkirin, cêr bûn û piyaleyên piçûk bûn, ku dibe ji bona vexwarinê dihatin bikaranîn. Piştire cêrên mezintir dihatin çêkirin, lêbelê êdî ew nema ji wê kîla baş bûn.




Di dema dawiya Ninevîte V de, berhemekî nû ji sîramîkên gelekî rind dihate çêkirin, ew bi Firaxên madenî bi nav dibûn, ji ber ku bi şewtandina kîlê rengê alavên madenî bi wan diket. Firaxên madenî li vê herêma Xabûr hatine afîrandin û pê bazîrganî bi bakur û başûr re dihate kirin. Firaxên bi vî rengî li herêmeke fereh têne dîtin. Texlîtekî din ji sîramîk li herêmê bi ferehî tê dîtin, ku êdî navê Firaxên xabûri lê bûye. Ew texlît digehe destpêka du hezar salên b.z., û ji ber kemberên ferehî ji rengên qaweyî û sorî tarî li dora firaxan, ew hesanî têne naskirin.

Di nav sîramîkên herî dawî de (ji nêzîkî sala 1500 b.z.) piyalên risimandî hene, yên bi navê Firaxên nûzî hatine naskirin û ew geleki, ci li qesr û qûnaxan û ci li avayiyen cemaweri be, her li bareş û her li boxerbê Mozan ji peyde dibin. Ji ber ku ev heyama dawî ye, ya niştevaniya Mozan, êdî ew nema li herêmê têne dîtin, lê teşeyên wan nazik in û motîvên wan xweser in (li jor xwiya ne).

Pûtxana şêr

(Pûtxana BA)


Avayiya sereke di gir de hate vekolan: emê nefermî navê "Pûtxana şêr" (nişana fermî "pûtxana BA" ye) li gor peykerekî piçûk, yê şêr ku li cihekî bel di hundurê avayiyê de hatibû dîtin, lê bikin. Fazên destpêkî, yên avakirinê (Faza A1a), ku hema bêje bi teva-



yî di vekolînan de hatiye vekirin, mirov dikare bigehênc nîvê sê hezar salên b.z. (Destpêka Xanedaniya III di mijara Mezopotamiya de). Ew strukturêke mezin e (15 x 24,5 m), mirov ji başûr di ser rampeke bêdûzan re derbasî wê dibe. Serdanvanên derbasî eywanê dibûn divabû di rêke gelekî kûr ve herin, hingê bala wan diçû ber bi rexê rastê ve, li wir li cihekî hinekî navendî, lateke mezinî (gişt 1 x 1,5 m) stûnî hatibû da-nîn. Xwelî di kortikeke di serê wê de hate dîtin, û cokek jê diherikî nav cêrekî ku di erda xênî de hatibû çandin. Tê gomankirin, ku ew masa pêşkêşkirina gorîyan ji xwedê re bû.

Guhertina modelê berê bû sedema avakirina du dîwaran li pey hev, û ber bi dawiya vê eywanê ve. Dîwarê pêşî zirav bû û ji kevir bû, ew yekser li pişt masa gorîyan bû, û yê mezin ji kelpîçan bû, û nêzîkî dîwarê paş bû. Ev dîwar di şûna perda pişt şanoyê de bûn (faza A1b, li planê binere!). Peykerê şer nêzîk li banî di nav kavilê dîwêr de hate vedîtin, û dibe ew di pûtxanê de di nav koma peykerên, ku nûneriya payebilindîya xwedê dikirin be. Herdû dîwarên dirêj, yên pûtxanê nêzîkî 1,6 metrî stûr in, û herdû yên kin du caran ji wilo stûrtir in. Dîwar ji kelpîçan hatine avakirin û bingeha wan gehaye latê. Berazên pala dîwaran û bircen anîşkan avayiyê bi hêz dikirin û ev hemû didine xwiya kirin, ku dive di asoyê heyama kevnare de, ew be cihê desthilatdariya bingehî li herêmê. Nêzîkî 100 parçenî bronzî li herêma pûtxanê hatine ditin.


Erê, ne bi gewdê xwe, lê Mozan "Pûtxana şer" li Sûriyê ji wê heyamê ji yên herî mezin e, ferehiya wê gişt weke, avayiya Pûtxana D li Ebla û Aussenbau û Steinau I li Chuera ye (dibe ku ew ji weke pûtxanên tipêن atîs bêne hijmartîn). Lê di wextê ku pûtxana Ebla li gor stûrbûna dîwarên xwe ji hundurû ve gelekî zirav bû, avayiyên Mozan (dibe ku Chuera ji) ji hundurû ve gelekî fereh bûn (gişt 9 m fereh). Ev kêseya avakirina banê xênî derdixe meydanê. Ji nû ve avakirina avayiyê, li gor lêkolînen kûrî



endazyarî, dipejirênin, ku dibe formeke destpêkî, ya banêن sêcikî hatibe bikaranîn (çawa li jor tê dîtin).

Sê fazên din, yên avakîrnê hatine naskirin, ya dawî ji heyama Xabûr ve ye (nêzîki 1800 b.z.). Vê yekê kir ku danîna avayîyan bî awakî radîkal were guhertin, dibe ku bi rastî ev be sederna ku êdî ew hê ji dawiya sê hezar salêن b.z. ve, hew weke pûtxanê hatibe bikaranîn.

Di vekolînêن bi sînor de, çend srtuktûrên piçûk li herêma bakur û rojhilatê pûtxanê hatine dîtin, dibe ku, ew bi erkê xwe bi pûtxanê ve girêdayî bin û dibe, ku ne wilo be ji. Li cihekî ji wan, ew ferşikê bi dîmenê cot û cotkar neqîsandî, û yê garana diliví hatine dîtin. □





Ala Mîdiyan

Ey pêximberê AHORA yê pîrozmand
Ji asitankên deştan ta banê gerdûn
ji bili ala ku me ji boyî hetavê li ser
[kupîtka ZAGROS daçikandiye, tu yê nebînî.
Li vir, dê baskên wê, bi bagera rexên zemîna
[ku me dagîkiribû bêtin libakirin,
dê netewe serên xwe li ber bitewînin,
[neteweyênu ku em navênu wan nasnakin,
lê ew me ji ber babelîska bazan dinasin,
Bazên; ku aso nixumandibûn,
da ku li ser kavilên Aşûr ên ku
li ber simên êrişa me tar û nar bûbûn, raperin.
Ey pêximberê AHORA!
Tenê,
em radestiya xwe
li beramberî Xwedayê te eşkere dikin,
parastina wî ji me re pêdivî ye,
lewra
dê bi dadana şevê li ser Olimp û
bi rijandina denên meyê bi ser
Gitara bedewiya Igrîkiyan de, barê me giran neke.
Bi navê AHORA dê jin-keşeyên Dilfiyê xwe biçemnînin
û da ku
werzên wan ên (lehnet lê hatî) bibîşkîvin,
em dê heft serdestên xwedî rûmet bikin bi qurbanê inirîna wî.
Lê ev giş; dê negîhiştâ kutayıya xwe ku ne



ji ber gernameya serfiraziyê bûya
Gernameya ku ji sernîşîvbûna me yî bahozane dest pê kir
şahinşahiyên tîrsyayî talan dikir
Jinên xwe davên bin lingê mîraniya me
Me guh nedida denêr zêr û gencîneyên perestgehan
Û ne ji me guh dida qîzên qîz da ku
bejnîn serkeftinên me bi gulan bixemilînin..
Afsana Xwedanên wan ên tîrsyayî
Pût û peykerên ku bi zingezinga qazmeyan diherifin,
zingîna serbilandahiya li erdê
li esmanan rengvedida.
Hemî babetên Xwedanan bi lerz
ziginî werdigirtin, gişan
dergehîn razen xwe li ber keştiya hetavê vedikirin
Bi koteke, xwe li pêsiya AHORA Xwedanê şivanan, diçemandin
Û li ser zemînê ji
ala wî, ya bi tenha, wek bazekî
xwe li ser ZAGROS li ba dikir.





Dilbijokiyek xerab*

Di hejmara *Nâdemê* ya dawî de (hej. 15) li ser şes nivîskarên "Sovyetî" yên dema Stalîn (O. Mandelstam, V. Mayakovskî, M. Tsvetaya, Gorkî, I. Babel, I. Meyerhold) "nivîseke" Suleyman Demir heye. Gava, meriv zeîfi û çewtiyên zimên bide alîkî, nivîs ji alî ìnformasyonê ve gelekî dewlemeden. Bi taybetî li ser terora rejûma Stalîn ya li hember nivîskar û kesên muxalif muxalîfîn rejîmê), gelek agahdariyên nuh û neînsanî tê de hene ku gava meriv dixwîne meriv ji ber însaniyeta xwe fedî dike. Îcar ji ber ku ev agahdarî hemû belge û raporên arşîva polîs in, (KGB) lema jî bêtir tesîrî li meriv dikin. Ya din, kesên li xwe mukur tên jî ne kesên muxalif in, ew xwedî û parêzgerê sistemê bi xwe ne. Ev yek jî tesîr û baweriya bi nivîsê zêdetir dike.

Bi weşandina nivîseke wiha bêguman Suleyman Demir karekî pîrr baş û hêja kiriye. Lê li alî din tiştekî xerab û nebaş jî kiriye ku rabûye nivîsa xelkê kiriye ya xwe. Bi gotineke din, nivîs ji wergerandîye kurdî û wek nivîskarê nivîsê imza xwe avêtiye binî. Xwezi wiha nekira. Helbet ji alî ehlaqî ve ne taste ku meriv rabe li ked

û xebata xelkê xwedî derkeve û bike malê xwe. Bi ya min ya rast ew bû ku divê wîne wek nivîskar, lê wek wergêr navê xwe li binê binivîsanda.

Ez dizanim gelek caran dilê meriv dibije hin berhemên lawên bavan, meriv dibêje xwezi ev ya min buya, ya jî min jî kanîbuya tişte wiha bi mustewa binivîsanda. Ez dilbijokiyek wiha baş fam dikim, ji ber ku hisekî însanî ye. Lê ev yek nayê wê maneyê ku her dilê tişte meriv bijayê merivê rabe bike yê xwe. Ger wiha be her kes dikane bibe nivîskar.

Nivîsa ku Suleyman Demir wek nivîskar imza xwe avêtiye binî beşek jê ya Bengt Jangfeld û beşek ji ya Arkadij Waxberg e. Nivîs di kovara *Artes* (hej. 4/1994) de bi sernivîsa *Polisarkivet* (Nûçeyen ji arşîva Polîs) hate weşandin. Swêdiya nivîsê bîst rûpel in.

Min "nivîsa" (!) Suleyman Demir û ya kovara *Artes* dan hember hev, tişte min dît tiştekî ecêb bû, bêyi çend gotinên pêşî û di nav re û hin agahdariyên ensiklopedîk yên li ser şexsan hemû nivîsa *Artes*'ê piştî tercumeyê bûye ya Suleyman Demir. Meriv naxwaze ji çavên xwe bawer bike. Lê nexwestin ya jî bawernekirin ne-

tîcê naguherîne, nivîsên B. Jangfeld û A. Waxberg di *Nûdemê* de xwedî guheradîne, bûne yên Suleyman Demir. Him jî teqrîben bîst rûpel.

Ez tê nagihîstîm, însan çawa dikane li hember ked û xebata xelkê hewqasî bê-hurmetiyê bike? Ma ne neheqî ye ku meriv rabe xebata xelkê bike ya xwe? Ka xwedêgiravî em mirovîn demokrat, adil û heqşinas bûn û xwedêgiravî me tecawuzî mafê xelkê nedikir? Wer xuyaye ku gava keys di destê me keve em jî dikanin wek gelek kesan devê tevî hawud daqultînin.

Tîstê Suleyman Demir kiriye tiştekî piir orjînal e; hettâ dikanim bîbêjim ku ji dunyayê der e. Wî him li alîkî nivîsa camîran kiriye ya xwe, yanî bi îmza xwe weşandiye û li aliyê din jî bi rengekî tevîlhev gotiye nizanim nivîs ne tercume ye û ne jî ya min e. Helbet ev tîst jî bi zaneti li bin guhê hev xistiye. Qey ji xwe re gotiye, gava rojekê yek rabe li min rexne bigre ezê bi van çend gotinan xwe bipartîzim û bîbêjim ku ji xwe di nivîsê de min gotibû. Lî bi ya min ev tedbir jî bi tu hawî barê S. Demir sivik nake. Ji ber ku lixwemukurhatin ne sûc sivik dike û ne jî karakterê hedîsê diguherîne.

Wek tedbir, li hember rexneyeke muhîtemel tîstê S. Demir gotiye ev e:

— Divê ez bêjim ku min nivîs tercume nekirine, lê min ramanê nivîsan tercume kirine. Min ne hemû derxistine, min yên balkêş derxistine. Heta ku ji min hatiye, min raman û naveroka nivîsan neguhertiye. Loma jî ez nikanim bêjim ev nivîs yên min in. Lî hinek tîstên ku min

berê di vî warî de zanîbûn, ji bo ku bûyer baştır bêñ famkirin, min xistine nav.

Nuha gava nevîs ne tercume be, mana xwe ew e ku ya te ye. Nabe nivîs him ne tercume be û him jî ne ya te be. Wê gavê ya kê ye? Ü pişî ku ne ya te ye çîma te bi navê xwe weşandiye? Ü bi ci heqî?

Diyar e ku S. Demir ji bo bîdestxistina argumentenê maqûl xwe gelekî eşandiye, lema jî gotiye min ne nivîs lê ramanê wan tercume kirine. Lî ez bi xwe nizanim "tercuma ramanê nivîsan" tê ci maneyê? Ne nivîs lê ramanê (fîkrê) wan?! Axir li gor îddîyê em dikanin fahim bikin ku nivîs ne tecume ye. Lî ya xerab, di eynî paragrafe de ew bi xwe vê îddîa xwe pûç dike, dibêje "ez nikanim bêjim ev nivîs yên min in."

De werin viya ji hev derxin, nivîs him ne tercume ye û him jî ne ya wî ye, lê dîsan bûye ya wî, çîmkî bi îmza wî hatiye weşandin. Nuha rastî ew e ku S. Demir kovar daye ber xwe, beşen kîfa wî jê re hatiye û ew girîng dîne û kanîbûye wergerîne, wergerandiye. Ü beşen girîng nedîye ya jî tercuma wan zor bûya di ser re gav kiriye, wernegerandiye. Mesele hewqasî vekiriye.

Tîştekî din yê ku meriv dibe dunya wiyalî ew e ku gava S. Demir dibêje, ji bo ku bûyer baştır bêñ famkirin min hin tiştên xwe kirine nav. Bi rastî ez tê nagihîjim meriv çawa dikane hewqasî basît bifîkire. Heval S. Demir pişî ku di vê mustewayê de bi edebiyatê mijûl dibe divê hin usûl, qaîde û prinsipên "neqîlkirinê" bizanibe. Helbet mafê meriv heye ku meriv ji xelkê neqîl bike. Lî bi wî şerîf ku


gava meriv ji nivîsekê tiştek girt, divê meriv bi zelaliyeke xweşik nîşan bide ku meriv çi û ji ku derê girtiye. Gava ne wiha be, wê gavê hemû kitêb û nivîşen dunyayê dikarin bibin yên mîriv. Hema dilê meriv kîjan nivîs eciband merivê çend gotinên xwe jî di nav ke û bike nivîsa xwe. Lê ne usûl wiha ye û ne jî kes wiha dike. Yan jî bi kîmasî bêyî me kurdan di civateke din de kes wiha nake.

Ne tenê ji alî huqûqî, her wisa ji alî exlaqî ve jî meriv mecbûr e ku tişte ji xelkê girt bi hawakî xweşik destnişan bike. Lê S. Demir tu mecbûriyetekê wiha his nekiriye, bi yek ışaratekê jî nedaye xuyakirin ku ka kîjan beşen nivîşê "yên wî" ne (l) jê û kîjan jî yên xelkê ne. Û dawiya dawi "yên wî" (l) jî û yên xelkê jî giş bûne yên wî. Esas tu tiştekî wî yê muhîm di nav nivîşê de tuneye û nikane hebe jî. Ji ber ku S. Demir ne bi rûsi dizane û ne jî wek wan camîran çûye ketiye arşîva

KGB'ê û hemû belge û raporê polîs tettik kirine. Bes xwediyên nivîsa swêdî ev kar kirine. Lê em qebûl bikin ku wî hin tişt lê zêde kirine, ma ne divê ev yek bihata diyarkirin. Ya ev herdu nivîskar sibe bibihîzin ku meqala wan di *Nûdemê* de bûye ya S. Demir, gelo S. Demirê ji wan re çi bibêje? Ez bi xwe meraq dikim.

Ji bo dana ber hev ez kopiya meqala li ser Isaak Babel û ya Osip Mandelstam dişînim. Gava hewce hat dîtin meriv dikane ji wan hin beşan biweşîne. ☐

*Min dixwest ku ev nivîs di *Nûdemê* de bê weşandin. Ji ber ku nivîsa min rexne kiriye di wir de hatibû weşandin. Lê ber repersiyare *Nûdemê* ji min hin guherandin xwest û min jî ew guherandin qebûl nekirin. Lema jî ez wê di *Dugirê* de diweshînim.





Peyvîn xewê

Ji bo Farahnazê

Dengê tirumbêlekê hat • Ez rabûm • Min cigareyek hilgirt • Te xwe zâvirand • Bi dengê textî re min dizanî • Min çeqmaq vêxist • Hinarika memka te ya çepê diyar kir • Porê te lêva te û memka te veşartibû • Min viya bi hêdikî porê te bi du tiliyan hilgirim • Te destê xwe danî ser çavê xwe: "Li vêderê cigarê mekêse." • Dengê kenê çend ciwanan ji kuçeya şevê hate guha • Min çeqmaq vemirand: "Serxwes in, bi şevê re hatin hetanî nîvê rê û dê biçin razen hetanî navqedâ rojê." • Ez çûm li metvexê rûniştîm • Min cigareyek derxist • Min çeqmaq vêxist • Dengê tirumbêlekê hat • Dayika min got: "Min go belkî bavê te bit, meyt anîn û li heywanê danîn" • Min cigareyek vêxist: "Dengê anîna meytan tarîtiya şevê tarîtit nekir?" • Reyîna segan hatibû guha • Dayika min got: "Ma dixwazin van meytan di hewşê de veşîrin? • Ma ne baştire ku li serê girekî yan jî li binê newalekê?"

Dema ez li metvexê rûniştibûm û min cigare dikêsa li bîra min nebû lê aniha ku dînîvisim hîzir dikim: Ji bo hildana por ji ser hinarika mîkeke razayî binê newalê çêtire yan jî serê girî • Dengê tirumbêlekê hat • Dar û barêñ herdû aliyeñ rê serê xwe li ser milêñ hevûdû danibûn • Dema cigareya min xelas bû di hizra min de bû ku diranên xwe bişom • Min bîna xwe ragirt • Dengê xewa te dihat • Li derive,, di navbera darçinarêñ herdû aliyeñ riya terr a li pişt pencerê ba û baran bi hev re dibûrîn • Min got: "Binêre çend ciwan e." • Te serê xwe bilind kir: "Çî?" • Min got: "Ta û çîqulên wan gihiştine hev têkalyayı-

ne." • Te got: "Lê pir dereng, binêre, li ber têhna hêviya wan qîra cadê ji qelişye." • Min cigareyek derxist • Te got: "Xwe bide aliyekî tirumbêlek hat." • Tirsê ez şiyar kirim, destê min girt û ez birim ber pencerê û bi du tiliyên min perde hilda • Dengê bavê min tariyatî qelaşt: "Eger ditîrsî here, eger natîrsî binive." • Şeva hewşa me pir bû ji bêhna pirtûkên şewitî • Dengê tirumbêlekê hat • Di dirêjahiya şevê de û di derzêne tariyatiyê de meyt anîn • Meyt terr bûn • Bêhna hilma cilêñ zindiyan û bêhna birîna laşê terr ê miriyân dihat • Dayika min got: "bavê te got şîrê tirs û lerzînê nede vî zarokê bê ziman!" Dengê tirumbêlekê hat • Min got: "Dayê ma destê xwe jê re bilind bikim?" • Got: "Kurê min eger min û te nebînin ji bo dîtina destê te ji kor dibin." Deng hat • Bû tirumbêl • Derbas bû û aliyek ji eba reş a dayika min kesk kir • Dûrî me rawestiya • Dayika min got: "Dev jê berde em siwar nabin." • Çirêñ paşin ên tirumbêlê vêdiketin û vedimirin • Te got: "Hizra ci dikî?" • Min got: "Belkî demeke dî..." • Te got: "Edî dereng e!" • Ev biranın zer bûne yan ji baştir e ku em bibêjin qehweyî bûne, çinkî qehweyî rengê jibîtkirinê ye • Min got: "Lê aniha berf dibare." • Te got: "Sîwana porê xwe ji bîr nekim?" Min got: "Na.." • Lê wê roja ku ez hatim te bibînim berf dibarı, te cilêñ reş li xwekiribûn, û berçavka reş li ber çavê te sê xuşkên Şexov di destê min de xwê dabûn." • Te got: "Kê ji wan bêtir?" • Min got: "Nizanim, lê min divya çend peyvên ku di dilê min de bûne pizot û min dişewitînin ji te re bibêjim." • Te got: "Çima te negot?" • Min got: "Eger min gotiba te yê ci bersiv bidaba?" • Te got: "Da bibêjim eger alîkariya Şahzadeyî bikim û pizotan derbixim dê Şahzadeyî ci bide min?" • Min got: "Hergav berî em hîzir bikin tişt diqewimin." • Te got: "Ev ne bersiva min e." Dengê tirumbêlekê hat • Min cigareya xwe vemi-rand • Heza dîtina hinarka memika te û hilanîna por ji ser memika razayî dilê min dizî • Ez hatim jûreyê • Min ceqmaq vêxist • Memika te diyar nebû • Ez zîvirîm û min çira vêxist • Tu li wir nebûyî • Min li nivinan nêri • Şûna serê te li ser balgehê mabû • Li ser balgehê û di nav nivinan de li tayekî porê re geriyam • Min nedî • Min scrê xwe li cihê serê te li ser balgehê danî • Bîn jê dihat • Bîna te • Dengê xewa te • Porê te • Dayika min • Hilma cilê zindiya • Birîna laşê meytan • Bîna axê • Baranê • Bîna dengê bavê min • Perdeyê • Tirsê • Bîna hewşa pir ji pirtûkên şewitî... • Min cigareyek hilgirt • Min viya ceqmaq vêxim • Dengê tirumbêlekê hat.. 



Uzunname – III

Romaniya romana "TU"-yê

Pîvanên teorî di avakîrin û nîrx-kirina çanda cîhanî de, şûna xwe bi tundi girtiye. Lewra, her nivîskar gerekî nasîn û pêkanîna van pîvanañ, li gorî dibistanê çandeyî, dibe. Dibistanañ rexneyî jî, li gorî van pîvanañ, pergalêñ nîrxkirina her babetekî çandê hene. Roman jî beşê herî gewre ye ji êrîşen rexnegiran re.

Ev jî ji wê hatiye, ku nivîskarê romanê dihingive giştîya jîyanê. Dêmek romanînîs, di çavêñ rexnegêr (xwêner) de lêkolînvanekî civakî ye, dîroknîvîs e, filosof e, hozanekî zanistî ye, yan jî ev kes tev e. Lewra bexşanevan e.

Cî romana hebe, li gorî van dîtinan, li ser sê regezîn bingehîn (yên realist) ava dibe. Ew jî dem, kes û war (cih) in. Lê, kêsimê hunerî û qilafetê romanê jî tola xwe, di avakîrina heyber de, dileyizin. Piştî nasîn û pêkanîna van tiştan (regezan) pêdiviya nivîsandina romanê û na-veroka wê dimîne. Ew jî ew e, ku xwêner

zanibe nivîskar ci dixwaze jê re bêje, ci pêş dike, wî ji ci dûr dike û ci behweriyê dighîne xwêner. Ev tişt jî, di rêya şeweyê nivîskar re xwe diberdine bedena romanê û struktûra avakîrina wê diyar dîkin.

Lê mixabin ku çanda kurdî, nemaze beşê romanê, ji zanistiyêñ nûdemî dûr e, û ne desthilat e ku karibe xwe nêzîkî bananê romana cîhanî bike. Wilo jî rexne di vê çerxê de digere. Yek ji sedemên bingehîn ji vê bişûndemayînê ew e, ku kurd di hemî warêñ siyasi, aborî, civakî, mirovanî û rewşenbirî de bişûndemayı ne. Loma jî asoyêñ têghiştina mirovê Kurd, bi gelempîrî, pir nizm e. Vê yekê hiştîye, zirnivîskarêñ Kurd, weku darkê fisê (fîlin, tapo) bi ser avê bikevin û li ser pêlan xwe bihejînin, tanî pêl wan rojckê bi ser rûyê wan de bavêjin ser sêlaka kenêr.

Rexna kurdî jî, iro roj, li dudilîkê rast tê. Ew jî ew e, ku heyberê kurdî nakeve ber pergalêñ ti pîvanañ. Ji ber ku nivîskarê kurd hîna zimanê xwe, ne tenha xweş

nizane, lê pir qels dizane. Belê, nivîskarê kurd (bêgoman ez jî yek ji wan im) hîna di pêkanîna cînavan de şas dibe, di navbera nér û mî de xilmaş dibe, hevokê rast û durust ava nake û nizane pergalê rastnivîsê pêk bîne, lê nivîskar e!!!.

Ji bo ku em pir dirêj nekin û berê tîrêne we bi ser xwe de rast nekin, emê li nirxkirina romana "Tu" vegetin, û hewl bîdin ku dîtinêne xwe weku xwêner berçav bikin. Nirxkirina me jî wê di warê avakirina romanî de be. Lewra, em xwe pêwîstî berçavkirina regezên avakirina romanî dibînin.

Forma axaftinê di romana "Tu"de

Gava mirov li bang, gazî û danûstandinê weku parçen axaftinê binêre, mirov pêwîstî nasîna alavên vê axaftinê dibe. Alavên, ku kurd di vî warî de pêk tînin, weku pêşdankêng bangê (wa, lo, lo-lo, kuro, lê, lê-lê, keçê) têne berçavkirin. Navên nér bi pêşdankêng (wa, lo, lolo, kuro) ve têne girêdan û di veguhestinê de paşdanka (o) distînin. Navên mî jî bi pêşdankêng (wa, lê, lê-lê, keçê) ve têne girêdan û di veguhestinê de paşdanka (ê) distînin.

Dêmek, pêşdanka "ya" ne di gazî, ne di bang û ne jî di axaftina kurdi de, weku alav, nayêne pêkanîn, û bikaranîna wê dimîne formeke biyani. Danerê romana "Tu" bi gaziya "ya kêzê" dest bi axaftina xwe dike û tevna kêsime romana xwe bi vê destpêkê dihûnc. Wilo, birê pêşî bi "Tu" ya kêzê tê hûnandin : "tû ji kû derî hatî", "Tu sax bî", "Tu ne dîl î" û gelek "Tu" yêne din. Lê, di birê didiwan de gih ev form dibe "tu" ya nivîskar : "Tu û he-

valên te...", gih jî dimîne ya kêzê : "Tu diçî, tu nabînî, tu dê bazdî..." R.33.

Daner di rûpelê 54-55 de vê formê te-xepas dike û dîse li xwe vedigerîne : "Tu wekî kewroşkekî", "Tu li hember polisê ku li tajîyan diçû", "Tu li ser zik..." û gelek "Tu" yêne din pêk tîne. Lê, nivîskar di rûpelê 61 û de forma bang û gaziye di axaftina xwe de diguhere, gava ev form bi dapîr û kêza wî re dikeve yek çarçevê. Ji dapîra xwe dipirse : "Tu dê işev jî werî ba min?" û ji kêzbatuna xwe re dibêje : "Tu pê dizanî..." .

Nivîskar tevna heyberê xwe bi vî rengî dîneqîşîne, û bi "Tu dizanî" axaftina pismamî xwe, bi xwe re di zîndanê de bi rûpelîn pir dirêj (124-130), dixemiline. Lê, kela nava wî bi vê formê hînik nabe, loma dîse li xwe vedigere û bi xwe re diaxive û dibêje : "Tu ji cihê xwe rabûyî", "Tu çûyî", "Tu hatî...", "Tu rûpela yekemîn qulipand" û gelek "Tu" yêne din di rûpelê 131-138 an de pêk tîne. Wilo jî ji bîr nake, ku dî rûpelê 187 an de "Tu di valahiyek pir fireh de...", "Tu dîsan... hişyar bûyî" û gelek hevokê (axaftinê) bi vî rengî biafirîne, da bi vê rewaniya bêserûber xwe bîghîne dawiya romanê.

Bi vî şîweyî daner xwe di nav pêlêne "Tu" ya kêzê, dapîr, pismam û "Apo" yêne xwe de winda dike, û nema zane avjeniyê bike. Loma axaftinêne xwe û qehremânê romana xwe bi cînavê "Tu" ve gi-re dide, tanî cînavêne "Ez" û "Tu" li ba wî di bin yek pergalê re derbas dibin, û bi yek rolê dirabin. Èdî, mirov dikare cînavê "Ez" bi cînavê "Tu" yan jî kesen şûngîren wan, bi hev biguhere, bê ku şîweyê

avakirina romanê bê guhertin.

Ne tenha wilo, lê daner axaftina qehremânî romana xwe bi şêweyekî hevpeyvîniyî xav û qels jî ava dike.

Di rûpelê 41 ê de, gava "Komîsîr" û polîsên pê re bi "pihêt" li deriyê daner dixin, daner wan nîv seetê li ber derî dihêle (dem jî zivistan e û şev bi baran e), da dêya xwe bi hatina wan agadar bike û jê re bêje: "Ez behwer im polîsin li derî dixin", "Her kesî dibin, ez behwer im, ew dê min jî bibin". "Lê qaxû mekin pişti çend rojan dê min berdin". Li vê axaftinê naraweste, lê jî dêya xwe dixwaze da "hinek van deran bide hev".

Daner hatina polîsan bê şik dihêle, gava "bi tirkî li ser wan qîriya" û bi fermanî dengê xwe gihande wan "De bisekinin, me dengê derî bihist, ez im têm!...".

Di rûpelê 42 an de bi ser ku daner komîsar bi deng, bi reng û qilafet nas dike, "Lê rast, hûn kê ne?" jî wan dipirse. Hînga, komîsar bêçare dimîne, û xwe bi "Ez ez im", "Ev jî hevalên min in" dide na-sîn.

Bi vê rûdariyê daner nahêle komîsar û polîsên pê re, yên ku piştî "seet 2.43" sibihê nîv seetê li ber derî di bin baranê de mayî, ji kirâsên xwe dernakevin, lê dihêle ku "peyvîna wî (ya komîsar), normal" bimîne, da rê bi gotina "De baş e, ez dê bi we re werim" bide xwe. Qey daner nizâne, yan jî xwe nebihîstî dike, ku avakirina vê hevoka dawî di forma bersivdana lavakirinekê de tê, û bi merbendiyekekê ve (şert) tê girêdan!. Wilo jî, bi vê avakirinê, polîsan bîhnfereh û mirovan berçav dike. Ji ber ew polisê serdest (gurêñ inqi-

laba Everin), ku berê sibihê bi "pihêt" li deriyê tawankarekî bixe û erkên wî bisermalêdegirtin be, wê axaftina wî ne "normal" be, û wê vê hevpeyvîna dirêj, di bin baranê de, li ber derî, neke. Û wê agadar-kirina tawankar bi gotina "tû pê ne hesiyayî ci guhertin bûne?" R.43 neke barê xwe û pêwîstiya wê nabîne.

Daner komîsarê xwe di rûpelê 49 an de diberde nava pirtûkxana xwe û dîwana Lorka dixe nav desten wî, pê dide xwendin û dihêle "we qet li ser ezmên marên zer dîtine?" di rûpelê 50 ï de bêje. Daner vê pirsê ji nav lêvên komîsar derdixe, da rê ji xwe re veke û bi fermanî şîretekê lê bike û bêje "Mîrze komîsîr de bes e! Ev çend jî nabe, tu ne mecbûr ï, ku jî bo her tiştekî bipeyivî, baweriya xwe bibêji". R. 50.

Bi vî rengî daner perda evrayiyê (qudsiyetê) berdide ser axaftinê di malê de û wan "normal" berçav dike. Lê, ku dighe derive ba "jipê" ev perda evrayiyê diqete, loma komîsar yekser fermanê dide polîsên xwe "De zû lê siwar bin, vî segbavî pir wextê me girt". R. 54. Yan jî "segbavî hîn dipeyivi!... Lê bidin... Lêdin". R. 55.

Edî, bi guneh û bê guneh daner her gav û her kîlî lêdanê dixwel. Ev şêweyê axaftinê, di rûpelê 92 an de, tê guhertin û bi rengekî hîn xavtir ava dibe, gava daner "Di ser Hakîm de qîriya" û bi "hêrs" jê re got, "Çawan dibe? Çawan tu bêî tu pirs û pirsyari biryara girtina min didî? Tu henek dikî, ne wisan?". Daner di romana xwe de dibêje, ku gelek zargotinê kurdî kom kiribûn. Lê diyar e ku ya dibêje (Henek li K. romiyan nabin) ne ni-

vîsiye. Gerek e daner, ew rewşenbîr û si-yasiyê kurd xweş zanîba, ku ev ne henek in, lê henek pê kirin in. Loma jî "Hakîm" bersiveke sar dixe destê danerê romanâ "Tu" de, gava dibêje "Naxêr, rast e. Ji îro û pê de tu girtî yî" R. 93. Lê berxwedan jiyan e. Loma, tawankarê li hember "Hakîm" hewl dide, ku hakimê xwe bi yasayêñ dewleta Tirkî naskirin bide, gava jê re dibêje "Ev kir û kirdeyêñ te, li gorî qanûnêñ we jî şas in". Hakim jî bi xwînsarî lê vedigerîne "Fermo derkeve, bila xwedê bi te re be". r.93.

Danerê romanâ "Tu" di gerînek û di nav pêlên axaftinê de gêj dibe, tanî xwe di şêweyê axaftinê de – dighîne pêpelû-keke herî nizim, gava pirseke zarokî ji "hevalê kêleka xwe" di zîndanê de dike, "Keko, ev nan çîma wisan hişk e?". R. 131.

Bi vî awayî astengêñ danûstandinê di romanâ "Tu" de bê jimar in. Lê daner xwas di ser stirî, xîp û keleman re baz di-de, bê ku êş û janê hest bike.

Dem di romanâ "Tu"de

Dema romanî, li gorî pergalên romanî-vîsê, dibe du beş. Beşek bi dema buhûrî ve tê girêdan, ku têbîrên nivîskar in, û xwe di rîya nava wî ve dide der. Beşek jî bi dema niha ve tê girêdan, û bi bûyerên ku dibine bingehêñ tevna avakirinê tê pêçan. Ew jî pelandinêñ derveyî nava wî ne. Dema nivîsandin, xwendin û axaftinê jî dibe parek ji vî beşî, û li ser dema romanê tê hesabkirin.

Lê, nivîskarê me dema avakirina romanâ "Tu" ne bi huşyarî, li serpêhatî, têbîr

û bûyerên romanê belav dike. Loma di navbera dema buhûrî û ya niha de tar û mar dibe. Êdî dema real û ya monoloj li ba wî nayêñ sînorkirin. Wilo jî ne guh dide nivîsandinê, ne ya xwendinê û ne jî ya axaftinê. Loma, ne tenha xwe tar û mar dike, lê xwêner jî bi xwe re şas dike, tanî dema xwendina romanê li ba wî ve-dizile û dirêj dibe. Nivîskarê romanâ "Tu", di rûpelê 39 an de, demeke kenar-kirî dide dest xwêner. Belê, "Dema derî-yê we yê derva pihet lêket... saet 2.43 bû". Lê mixabin, ku daner nikare vê dema xwe bi bûyerên romanê re çareser bi-ke, gava 16 rûpelan bi xumandina polîsan li malê didagire bê ku li wan bibe sibeh. Wilo, demê ji ba xwe dirawestîne, bûyerê real divezilîne û qul qewêrên malê tevan bi polîsan re xum dike. Ne tenha wilo, lê bi wan re dikeve guftûgoyêñ jar û pûç de, da bi xwêner bide zanîn ku "Rilke, Conrad, Joyce, Tolstoy, Dickens, Mann, Kavawîs, Lawrence, Faulkner, Gary, Hayyam, Derwîş, Woolf û yê din..." govend li pirtûkxana wî girêdabûn. Êdî, vê dema vezîlandî, ne ji xwe re, ne jî ji xwêner re dike problêm. Lê dîse baş e ku navêñ nivîskarêñ li pirtûkxana Melekî ya Stockholmê tev nenivîsin!.

Li vê yekê jî naraweste, lê "Komîsîr" dixe nav pirtûkan û dihêle yek bi yek ra-hêje wan û pel bi pel wan biqulipîne. Dî-lê nivîskarê me wilo jî hînik nabe, tanî dihêle ku "Mîrza komîsar" pirtûkeke "Lorca" bixwîne û "Rêzîn şîirê ji hev..." bixwîne. Wilo jî "Çexov" dixe nav destêñ mîrzayê xwe de, da wî li ser "nîzama bol-şevîkî ..." û "serekê sor Lenîn..." biaxivî-

ne. Nivîskarê me, bi vê xwînsariyê, reşmê li demê dixe û wê gem dike, da xwe bi armanca xwe bîghîne, da helbesteke "bi destnivîsa..." kurdî di nav destên komîsêr xîne û kêfa wî li xwe bîne, da çarê ji negirtina xwe re nehêle. Lê, bi dilaramî doza komîsêr bi xwendina vê helbestê bi cih nayîne, û "tika dikim, niha ne wexta van tiştan e" lê vedigerine. Èdî, piştî axastineke dûdirêj bi dê, xwişk û birayên xwe re, dema bûyer bi fermana xwe çareser dike, gava ji polîsan re dibêje "Fermo em herin". Bi ser vê tevî de hîna dem dimîne "şeva tarî û bêkes", lê dêya wî ji bîr nake di vê şeva bi baran de "wê ava satila ku di destan de bû li pey" birijîne!!!

Nivîskarê me, di rûpelê III an de, xwe û bûyerên romanê ji terz û endazên ke-narkirina dema girtîxanê azad dike. Wilo, ew û pismamê xwe "Li dora masê he-ta saet 23.30 ê şevê rûniştin, paşê rabûn". Lê ne rabûn da bikevin xewê de!. Belê, rabû da 8 rûpelan ji romana xwe bi lebt, ger û tevgera xwe di zîndanê de dagire, bê ku guh bide pergalên pêkanîna demê di avakirina heyber de, bê ku yasayên girtîxanê di sinorkirina dema bûyerê de rola xwe bileyize. Wilo jî, bê ku guh bide dema nivîsandin û xwendinê.

Bi vî awayî, ew û pismamê xwe gereke zîndannasîn dîkin û "ji qoxîşa divemîn dest pê" dîkin. Pismamê wî "qoxîşan" û fesal û awayê jiyanê di wan de, "avdestxanê" û jimara parçen wê, "cihê xwe şûstînê" û awayê xweşûstinê, cihê "Kinc"şûstînê û pergalên Kincşûstinê, "aşxanê" û pergalên kar û xwarinê tê de, û dawî "be-xçê" girtîxanê ji mihvanê xwe re pesin di-

de, da pişt re wî bibe ser textê xwe û "pijamên" xwe, "destmalê", "derpî", "kirâs" û "şimikan" ji dide wî û berê wî bi şûn de dide, da here xwe bişo. Mîhvan ji (girtiyê nû, nivîskarê romanê) nemerdî nake û berê xwe dide "avdestxanê". Li wir dirûne û "avdesta xwe" dike. Pişt re diçe, xwe û kincen xwe diço. Wilo, dema bû-yerê diraweste, lê ev bûyera real berde-wam dibe, da ji nû ve girtiyê me (daner) vegere ber sobê û xwe ziwa bike!. Li wir dermeke dirêj dirûne û silavên girtiyân vedigerine. Piştî vê tevî bûyer berdewan dike, da du polîsên nobedar û sê kesên girtî bike dost û heval û wan li dora soba "aşxanê" bide rûnandin, û wilo ji yekî girtî bîne şebuhêrka xwe, da bikevin gif-tûgoyên jiyanî de. Bi vî rengî, dem bê rol û bê çare dimîne, lê bûyer bi gotina "li min bibore, xewa min têt..." nema berdewan dibe!!.

Ev bûyer bi demeke real ve tê girêdan, ne bi dema monolojê ve. Dêmek, li gorî vê avakirinê, gerek e roj li qehremanê romanê (daner) derkeve, eger roj ji çerxa xwe derneketibe!. Bi vî rengî ji peyva "zîndanê" bê wate dimîne û avakirina bûyerê, di romanê de, bê sûd xwe belû dike.

Mirov dikare bê fedîbûn bêje, ku têbî-rênen nivîskarê me, di romanê de, aso û banê têgihiştinên wî berçav dîkin. Ew têgihiştinênu ku dem rola xwe di avakirina wan de naleyize. Loma roman, di gelek waran de, xwe ji avakirineke realizmî ber fantaziyê ve dikşîne. Qehremanê romana "Tu" (daner) zaroktiya xwe, di rûpelên 60-61 ê de, bi bîra xwe tîne, û wan xew-

nêñ ku di wan de "misas, şûr, mertal, tîr û kevanê "xwe" li ser pişta hespê" xwe "yê merd" dikirin, tûne ber çavêñ xwe, da bi-keve "nav koma cinawir, pîrhevok, şeytan û fesadan" û bêje ku "Min zora wan dibir,..., û ew ji welatê xwe dûr dixistin".

Bi vî rengî ne tenha rol ji dema real te namîne, lê roman bi şêweyekî fantazi xwe ber bi avakirineke çewt de dikşîne. Wilo, dem di formûlekirina WELÊT û pîrhevokan de, li ba daner, dibe yek. Ge-lö, zaroka ku şer bi "Cinawiran re bike", "welatê" xwe di ci çarçeva têgihiştinê de dinase?. Erê, têgihiştina wata bêjeya "WELAT" bi pêşketina demê ve tê girêdan. Ew pêşketina ku zarokê ji warê ne-bîreweriyê diguhêze warê bîreweriyê. Dêmek, gerek e dem wê zarokê mezin bike da "welat" şûna xwe di hişê wê de bi wa-ta xwe ya durust bistîne. Eger zarok, di demê de zarok bimîne, bila welatê wê ji mala wê, gundê wê, tara wê bimîne. Hinga dem şûna xwe bi rewani di heyber de digre û rîsê tevna avakirina romanê rast û çê tê hûnandin.

Daner "Apo" yê xwe, weku qehremane-kî romanê, jîr, zane û bêhempa berçav dike. Wî di sala 1972 an de (sala zîndan-kirina daner) 70 ê salî dide nasîn (di 1. 145 de jî 73 ê salî ye). Rengê vê avakirinê, ci demane be, ci kesane be, di romanê de rewşike normal distîne, gava di mercen avakirineke durust de bimeşe. Lê, mixa-bin ku nivîskarê me, di rûpelê 139 an de dema serpêhatiya xwe (1972) tevlî dema tébiran dike, û di vê şâsiyê de kirasekî bê bestik li têgihiştinê xwe yên civakî, siya-sî û dîrokî dike. Belê, ne bêbextiyê bi

xwe dike, lê bi pepûkî xwe diberde nava demê. Ji ber da "Apo" yê xwe di çav xwêner de nîxdar û bîrkêş bide pêş, dihêle ku "wî şo sal bi dewleta Tirkî re şer kiriye" ji "Apo" re bibe ala kurdewariyê, bi-be nişana têgihiştin û mafnasiya mirovan. Wilo, daner "Apo" yê xwe bi xama xwe, ne bi hişê xwe, ava dike, tanî xwe di gerîneka dema avakirina romanê de wer dike, û tê de sergom diçe.

Belê, salbûna "Apo" di demeke normal de dibe 1902 (sala 1972 temenê wî 70 sal bû). Lê, daner li vê yekê naraweste, gava jiyana xwe û ya "Apo" di demeke dîrokî de, bi hevoka "50 sal... şer kiriye" kenar dike. Edî, eger "Apo" bi zîmkî jî ketibe şer de, salbûna wî dibe 1882 (ji ber sethil-dana Agri – 1932 – di dema "Apo" de ya dawî bû) [Serhildanê Sasûsnê, Dêrsimê jî xwe gihadine salên 1936 û 1937an]. Li gorî vê pîvanê, salbûna daner jî ne 1953 dimîne, lê dibe 1933 (ji ber ku "Apo" bi 51 salê ji daner mezintire). Dêmek, nivîskarê romana "Tu", berf bê dinê bi bîst salan girtiyê zîndanê bû!. Ev rengê bê-ser-rûberiya demê di romanê de, eger ne bi gêlîti û xepebûna daner ve girêdayî be, ji fantazya jî derbas dibe!!.

Kes di romana "Tu" de

Kesên ku daner heyberê romana "Tu" bi wan dihûne pir in. Rolêñ wan di avakirina romanê de cuda ne, û erkên wan jî di lêkirina bûyeran de başqe ne. Wilo, qeh-remanê romana "Tu" gel, girtiyêñ girtî-xanê, desthilatêñ Mîriya Tirkî, daner û kêzzatûnê ne. Ew jî li du celeban par ve dibin. Celebek bindest e, lê di dîtinêñ

daner de, berxwedanê dike û roleke positîv di avakirina heyber de dileyize. Yek ji serdeste rola negatîv bi xwe digre. Daner ji, li gorî jîrbûn û zanebûna xwe, wan bi lebt û tevger dike, û heyberê xwe bi dîtin û livandina wan ava dike û hewl dide ku vê avakirinê bi pergalên romanî bi kiras bike. Lî, tanî çi pileyê xwe bi armanca xwe dîghîne, dimîne ji behweriyên xwêner re. Me ji di vî warî de, weku xwêner-rekî, nerînek heye. Nerîna me ji bi kurtî ew e, ku daner bi dev û lêvên xwe qehremânê romanê ava dike, û rola demê di vê avakirinê de nahêle. Loma qehremânê romanê di bin yek pileya têgihiştinê re derbas dibin. Erê nav pir in, lê zîlan her dimêne kesek. Ew ji daner e. Ji bo em vê nerîna xwe ji bi rewani raxin, emê axaftineke rû li rû bi kesen romana "Tu" re vezin.

Daner

Daner di rîya bûyer û serpêhatiyên xwe re, di rîya dîtin û têgihiştinê xwe re û di rîya behwerî û ramanê xwe re dibe zîlana berhemê xwe. Loma, rola kesê zîlanger, di romana "Tu" de bi xwe digre. Wilo, xwe dike padışah, û qehremânê romanê ji xwe re dikc navmalî. Edî xwe desthilat dibîne, ku wan li gorî bîr û behweriyên xwe bilivîne, li gorî dîtin û têgihiştinê xwe biaxfîne û li gorî asoyen hiş û ramanê xwe bi lebt, tevger û pîş bike. Belê, Kurdan gotiye : "Etar ji xurcika xwe xeber dide". Vêce gelo, çi di xurcika M. Uzun de heye, ku ji xwêneran re, li ser mafûra romana "Tu", diraxe? Bersiva vê pirsê ji bi giştîya lêkolînê re belû dibe.

Bo vê yekê ji gerek e em şevekê li civata romana "Tu" rûnin û kesen wê ji ji nêzîk ve nas bikin. Nivîskarê me, berî her kesî, qehremanê bêhempa ye di romana xwe de, û kesen romanê wek alavê dûmahiya xwe li dora xwe dicivîne. Wilo, daner di rîya têbiran re dergehê romana "Tu" ji Kêzbatûna xwe re vedike, da xwênerê xwe bi şêweyê avakirina romanê serwext bike.

M. Uzun xwênerê xwe bi şewtiyeke gewre di derheqê folklorê kurdî de serwext dike, gava di rûpelê heştan de (8) kêzbatûna xwe bi "Heywaneke bi xof, germarî û xirab" pesin dike. Belê, qey daner nizane, yan ji hest nake, ku (Kêza Kêzbatûn, xwedyâ şimka reqreqûn, xwedyâ şara pitpitûn, xwedyâ krasê geretûn...) di vî pesnê folklorî de, bi xeml û spehîtaya xwe navdar e, û ne tenha di çav zarokan de, lê wilo ji di çav mezinan de xwesik, paqîj û dilovan ell.

Xatûna kêzikân ji, di folklorê kurdî de, kêzika zérîn e. Ev kêzik pir xwesik û paqîj e (perên wê qesebok in û warê wê darika Tehliyê ye), loma bi zarokê şejinxweş e. Dilovaniya wê ji ji mijûliya zarokê pê re hatiye gava wê li ser pişte dideyne û bi teptipandin (Kêzka zérîn qoplanî moplanî...) bi awazekî şérîn jê re dibêje û doza xwequlipandinê lê dike. Hinga kêz perên zérîn vedike û xwe di ser serê xwe re gêr dike. Loma "Kêzbatûn" ê di hijê zarokê de wêneyekî pir delal dimîne.

M. Uzun ji derdên işkencê û tenhabûna li zîndanê dixwaze kul û eşen xwe ji hevalbendekî re bêje. Loma "kêzikeke bîçük û reş" R.218 dike hevalzîndana xwe.

Lê, di zîndanê de jî vê hevalê cêri dibîne, gava "quesra" wê dibe ew "dembolê mîzê" yê ku "ji bîhnê firnikên bîvila (daner) xetimî" R. 36.

Wilo, daner xwe deshilat dibîne, ku hevalzîndana xwe di zîndanê de bixe zîndanê. Erê, daner dibe (qelsê bi ser de ketî), gava bi ser dîlîtiya xwe de û di cihê dîlîtiyê de moreke bêgunch dike dîla xwe. Ma ka mirovaniya ji vê payebilindir?!!

Kêzê

Çawa be, kêzê dimîne ew mora ku avakirina hunerî ya romana "Tu" pê ve tê gitêdan û, bi daner re, dibe hevalpişka zîlana romanê, gava dibe alava wî di hûnandina monolojê de. Lê, ev kêza dîl, ya ku di "dembolê mîzê" de hatî zîndankirin, dijraberîyeke beloq dixe wê avakirina hunerî de. Wilo, çîka huner bi vê avakirinê divemire û tox û sar dibe, ji ber ku monoloj li ba her mirovekî wilô jî li ba her danerekî, ew axaftina dûrî akamên pêlêkirin û perçiqandina serdestiyê ye, loma bi rola axaftina herî serbest û serfiraz dirabe, û dibe neynika hemî dîtin û behweriyên ku bê tirs û kontrol têne raxistin.

Gelo, ji wê girantir heye, ku mirov di nava xwe de vemirî be, ku çîkek germî di nav wê tirafa nava mirov de ne mabe?!. Ango, mirov bi xwebîr û behweriyên xwe bixe rika (rekih) dîlîtiyê û derî li wan da-de. Ne tenha wilô, lê bi ser de jî, pesnê xwedîlkirinê bide?!

Bi vî rengî nivîskarê romana "Tu" ne tenha weku kes (gewd) di warê beolojî de dîl dikeve, lê weku can jî (monoloj - kê-

zê) xwe bi qeyd û bendên dîlîtiyê girêdi-de, gava bi vî şêweyî rola "Kêzê" di avakirina hunerî ya romanê de çareser dike. Li vir pirsek tê meydanê. Ew jî ewe, ku bê hebûna vê hevalpişka daner di zîlana heyber de, wê çawa roman, bi vî şêweyî, hatiba avakirin?. Bersiv jî pir asane. Lê, emê bersiva xwe di deryê ramanê romana "Tu" de berçav bikin.

Apo

M. Uzun rola wî kesê di xebat, bûyer û serpêhatiyêن dîrokê de piçpiçî dispêre "Apo" yê xwe. Loma, wî weku kesekî bîrkêş, nîrxdar, cengbaz û şehlewend ava dike. Erê, nivîskar qehremanê romanê bi xama xwe ava dike. Lê, gelo xwêner jî vî qehremanî weku daner dibîne?

Da em geleki dûr neçin, û di nav rê û şivîlkîn mîjûyê de, di nav wan rûpelên zer û kevnar de xwe winda nekin, emê xwe û we hinekî vehesînin.

Dibêjin, piştî keşayê dêra gundekî sîr-yanî kal bû, yekî xort kete şûna wî de. Bi hatina keşayê xort re, gundiyan hin bi hin xwe ji dêrê vedan. Keşayê nû gilihê xwe bi vê rewşê gihande ber destêne yê kal. Kalo jî şîret li xorto kir û got :

— Tu gundiyan agadar bike, ku yeksema bê wê keşayê kevn wa'zan bike. Ezê di wa'zêñ xwe de, te bi wan şérîn bikim, paşê gotinê bidim te. Lê, tu jî gulpekê vexwe, da bê fedî tu wa'zêñ xwe bikî.

Yekşem hat. Xorto bi ya kalo kir, lê ji gulpekê derbas kir. Wilo, piştî wa'zêñ xwe qedandin, limêja xwe kirin û ji hev bela bûn, keşayê xort ji yê kal pirsi :

— Wa'zêñ min çawa bûn?.

— Pir xweş te got. Ma te nedît, çawa dêra li devdevka mişt liméja xwe bi kêt û şahî kirin.

— Ti şâşî bi min re derbas nebûn?

— Hebûn lê ne yên gotinê ne.

— Çi bûn?... Da ez di pêş de wan ve negerînim.

— Tenha sê şâşiyên biçûk bûn.

— Çi bûn?

— Ya pêşî, xwedê Îsayê Nûranî li Bêt Lehim daye, ne li Bêt Mirî [Navê gundê keşayê xort e], weku te gotî. Ya didiwa, Îsayê Nûranî kurê Mêrema Bêguneh e, ne kurê dêlika Mêremê ye, weku te gotî. Ya sisiya jî, Îsayê Nûranî gotiye werin ba min, da ez gunehêne we xîş bikin, ne yê neyê ba min ezê di dêya wan...m, weku te gotî.

Şâşiyên daner jî, di avakirina "Apo" yê wî de, ne yên gotinê ne, pir biçûk in. Ji ber ku:

1. "Apo" "Qet tirkî nizane" R.122, lê ew e "Kesê ku cara yekemûn li Tirkîye el-faba kurdî nivîsand... R. 122".

Emê vê şâşiya biçûk bi du pirsan bisi-périn xwêner. Ya pêşî:

— Gelo, ev qehremanê di dîroka kurdî siyasi û wêjeyî de navdar kî ye, ku sala 1972 an bi M. Uzun re hatî zîndankirin?!

Pirsa din jî:

— Gelo, mirovê ti zimanên cîhanî, û wilo jî yê mîriya xwe bi xwendin û nivîsandin nizanibe, çawa bi vê gêlîtiya xwe dikare "elfaba" ya zimanekî deyne?

2. "Apo", ev rewşenbîrê gewre, di rîya M. Uzun re (weku wergêr) giftûgoyê bi "Sosyologê Tirk" re vedike û ji wergêrê xwe re dibêje "Ez tiştê Mamoste dibêje

baş fam nakim. Lî, Mamoste herçî dibêje rast e". R.159.

Ev behwerîpêanîna bi koranî (ji ber ku "Apo" ne zimanê "sosyoloj" dizane, ne jî berhemîn wî bi ti zimanên din xwendîne) nişana çi ye li ba daner?! Li ba daner nişana çi be, li ba xwêner dimîne ya gêlîti û saltgîrîyê.

3. Ev "Apo" yê ku "so sal bi dewleta Tirkîye re şer kiriye" bi dilpakîke bê sînor dibêje "Kumandar", "Lawo, xortêne me berdin û çi cezayêne wan hene, hemûyan bidin min". R.146.

Ma ev peyva xav û kelê gerek e ji devê cengbaz û rewşenbîrekî weku "Apo" yê daner derkeve, eger ev axaftin ne ya daner be, ku bi dev û lêvên qehremanên romana xwe xeber dide?!!

Bi vî rengî "Apo" dibe ne ew kesê ku di demê de siqa bûyi, ne ew kesê ku demê ew ava kirî, lê dimîne ew qehremanê ku xama romannîvis, li gorî asoyêñ dîtin û têgîhiştinên xwe, ava kirî. Eđî "Apo" na-be bîrkêş, rewşenbîr û zîrekê gelê xwe, lê van pesnan tenha di çav nivîskar de distûne.

Sosyolog

M.Uzun civata qehremanên romana xwe bi anîna "sosyolog" ekî tirk xweş dike, da wî jî di çavên xwêner de biçûk diyar bi-ke. Eđî, daner dibe serek û serkêşê vê ci-vatê, û nema kesî tîne qama xwe. Leto [Letoyê şêxoyê Nado, mitirb û komîkekî bi nav û deng bû; li herêma Cezîrê, li Tirbespiyê dirûniş] digot: bereketa her tiştî di destêne Xwedê de ye, lê ya dêw di destêne dêya min de ye.

Belê, ci ne di destê daner de be, rol û pesnên kesên romanê di destê daner de ne. Û di nav lepê wî de weku guloka hevîr in. Bixwaze wan pan dike, dirêj dike, hişk dike, nerm dike. Bixwaze wan dike nan, dike nanik, dike kulorik. Bixwaze wan dipije, wan xav dihêle, wan dike pato. Bixwaze jî şor dike, kelê dihêle, bê tam dike. Lê çawa bin, dimînin nanê mewlida romana "Tu", û di tenûra danevê wê de têne çêkirin.

Çilo, pepûkê "Sosyolog" ê tirk bûye piçek ji guloka hevîrê daner, êdî ev bextreşîya wî ye!

Belê, bextreşîya wî ye, gava M. Uzun wî bivênevê dike, ku ji ser cihê xwe rabe û here "du dosiyê stûr..." R. 159 di bin çengê xwe de bîne, da behweriyê daner bi gotinê xwe, di pirsa kurdî de bîne.

Sosyologê tirk bi vê neçariyê "dosiya yekemîn" diqulipîne, da "statistikê" bi xêr û bêra Kurdistanê ve girêdayî pêş daner bike û jê re bêje "welatê we dewlemend e, lê bindest e". R. 160.

Wilo, M. Uzun dihêle ku ev "Sosyologê tirk", yê ku ji ber nîvîsandinê xwe, yên li ser pirsa kurdî, hatî girtin, pirtûkxana xwe (di nav de jî ew lêkolînê li ser pirsa kurdî) ji unîversitê biguhêze girtîxanê. Li gor vê pîvanê, polisan pirtûkê daner jî ne "dil kirin", lê "di nav çarşafa sipî de". R. 51 ji pirtûkxana malê guhestin pirtûkxana girtîxanê!!

Hemberî avakirineke kesane bi vî rengî mirov lal dimîne, û tenha dikare di dilê xwe de bêje, ku ev zîndanê Türkstanê ne, ne yên Stockholmê ne, da yê girtî desthilat be ku nîvîsandinê xwe, yên li

ser wan hatî tawankirin, bi xwe re biguhêze pirtûkxana xwe di girtîxanê de!!

Daner bi vî awayê nedurust kesên romana xwe li gorî asoyêng têgîhiştinê xwe ava dike. Loma ev "Sosyologê" jîr, zanyar û rewşenbirê gewre jî, di çavêng xwêner de, pepûk dimîne.

Pismam

Daner pêvî van kesan, di girtîxanê de, "Pismamê" xwe jî dike alavek, da bibe kopale wî û xwe di rojêng pêşî de bispêre ser. Wilo, bi "pismamê" xwe zîndanê xum dike, girtiyan nas dike, û pêwîstiyêng xwe jî çek, text, pênişûs û defteran pêk tîne, bê ku ti rolêng din bispêre vî kesê ku ew jî di ber pirsa kurdî de hatye zîndankirin.

Rola civakê di avakirina romana "Tu"de

Bi ser ku me ev sernav daniye jî, lê ne şûngirtiye. Ya rast ew e, rola daner di avakirina civaka kurdî de!!! Ev seymîşan jî hatine danîn, ji ber ku daner kirasekî bê bestik li civaka kurdî dike, gava vê civakê weku dixwaze dihêrivîne, weku di hişê xwe de li hev tûne berçav dike û li gorî fantaziya xwe ava dike. Daner di rûpelê 13 an de dibêje, ku "Rûniştevanêng bajêr hemû xwedî rezekî bûn" û "Her rez ji hezar an du hezar mîwan pêk dihat". Bajar çiqasî biçûk be jî, li gorî normîn şarvaniyê deh hezar (10 000) mal vedihe-wîne. Eger serê malê (li bajarê M. Uzun) hezar û pêncsed mîw di zik hev de hebîn, mîwîn bajarvaniyêng daner dibîne pazdeh mîlyon (15 000 000) mîw. Eger

hezar mîw jî di her hektarekî de hebe, erda bi rez dibe pazdeh hezar (15 000) hektar. Ma nivîskarê me dikare vê panavê bîne ber çavêن xwe, û di hişê xwe de sînor bike?! Ne tenha wilo, lê bajarê ku tenha bi werzvaniyê mijûl bibe, êdî ne bajar e. Dêmek ev civaka ku bi ti kardestan ji werzvaniyê pê ve nizane civakeke gêl û kewden e (ji ber fabrikên çêkirina şîraniyêن ji tîrî jî, weku daner dibêje "heroş in") !!! Ma civaka kurdî, bi kêmanî di bajaran de, ji dil wilo ye?! Eger wilo be, çawa nivîskarê me yê nozdeh salî, yê hîna xwendevanê lîsê, eger ne yê sinifekî kêm-tir be, karfbû "Rilke, Conrad, Joyce, Tolstoy, Dickens, Mann, Kavawîs, Lawrence, Faulkner, Gary, Heyyam, Derwîş, Woolf û yên din...R. 49", wilo jî "Dostoyevski, Hamîngway, Nerûda, Sarter, Lorka, Arif û yên din...R. 54.". Li xwe vehewîne? Ma buhar bi gulekê çê dibe, da M. Uzun xwe bi tehna xwe, bike gula bajarekî?!

Daner li vê berçavkirina civaka xwe na raweste, lê bi carekê re wê ji terz û endazîn civaka kurdî derdixe, gava dibêje ku "rîsipyen bajêr" li "qehwexanêن xwe" "qehwa" "tahl" divexwarin û "xweş bi domîne dilîstin" û "hostayêن şetrencê bûn", tanî xwe dighîne "rîsipyen bajêr dîsan bi ayet û hedîsan zarok diloran-din". R. 16.

Eger mijûliyêن rîsipyen civaka kurdî werzvanî ne damê, çêlê, nihberk, çarberk û sêberk jî bin, lê hewre ez nebehwerim, ku ji nivîskarê romana "Tu" pê ve kesek di civaka kurdî de vî erkê razandina zaro-kan bispêre rîsipyen Kurdan, nemaze lo-

randina zarokan bi ayet û hedîsan!!!

Daner dihingive civaka gundî jî, gava nûnerê vê civakê, li gorî pesnê wî, ew mirovê "Rûyê wî tijî, simbêlên wî gir. R. 88" di "cemsê" de bi xwe re dike rîwî û dihêle ku ew kesê "weki dêweki" welatê xwe di lepê xwe de veşêre. Dibêje ku "Di kefa destê xwe yê çepê de bi kurdî û bi tî-pêñ mezin Welat nivîsibû" R. 88.

Hemî dîroknavîsêن ku hingivîne welatê Kurdan û pirsa kurdi, vî mileti bi merdî, mîrxasî, cegerdarî û mîraniyê pesin di-din. Lê gelo tiştê di mista destê çepê de be, ne nîşana veşartin, bêziravî û tirsê ye, ne nîşana dudili û bêhêvîtiyê ye, nemaze ku dest yê "dêweki" be?!

Kurdan ticarî ne xwe ji ber welatê xwe veşartine, ne jî welatê xwe ji ber xwe veşartine. Lewra kurd bi wê nas in, ku tiştê di dilê wan de be li ser zimanê wan e. Anglo, kurd di behwîriyêن xwe de, ne tenha bi ceger in, lê deqerû ne jî. Wilo, gava welatê kurdan li ser pişa destê rastê tê nivîsandin, dibe nîşana xweeskerekirineke dûrî tirsê. Vêce, çîma ev dêwê kurd welatê xwe vedişere?!

Ma rev û xweveşartin ne biramak in?. Dêmek, danerê romana "Tu" vî nûnerî di xwe re dibîne, û wî weku psîkolojîya xwe ava dike, ne weku heyîna civaka kurdî, da êdî desthilat be ku ne tenha zimanê kurdî bêkêr bike, lê wilo jî mirovê kurd di nava wî de bihêrivîne. Eger ev yeka ji nezanî be jî, ji xwe kurdan gotiye: yê nezan ji yê zalim xirabtir e...

M. Uzun ne tenha civaka kurdî di dema xwe de bi vî pesnî berçav dike, lê li civaka kurdî kevnar jî, di rîya têbîrên

xwe re, vedigere, da serpêhatiya Mîr Miheme û Mîrê Amedê (bi ser ku me di dîrokê de nexwendiye ku rokê ji rojan Mîrê Amedê hebûn), bi dîtinê xwe, şirove dike.

Di rûpelê 141 ê de dibêje, ku "Mîr Miheme mirovekî hêja û gelperwer bû". Du nêriyên pezkoviyan dilovanî xwe dîtibûn, ú "bîst salan" di çiyayê Botan de, ji tov re, xwedî kiribûn. Lê rojekê neçarî kuştina wan dibe, da stirihêن wan ji Mîrê Amedê re rêke. Da pê bide nasîn, ku pezkoviyên çiyayê Botan ji yên çiyayê Amedê mezintir û hêjatir in. Belê, qayış û berberiya mîranî, bi vê xavî û saltgiriya xwe, dibe sedema gorîkirina herdû nêriyên delal û dilovan, herdû nêriyên tov.

M. Uzun, hemberî vê mirovaniya kêm û qels, "Mîr Miheme" yê xwe dike "Miheme beg" ê. Li vê yekê jî naraweste, gava piştî rûpelekî nîşana Mîrîtiyê li Mîr vedigerîne, lê navê wî diguhere û dike "Mihemed".

Bi vê asanîbûnê bi nav û nîşanên navdarêن civaka kurdî kevnar dileyize û wan di şerê beranî de berçav dikel!. Wilo, nîşana Mîranî ji "Mîr Miheme" dike, û wî "beg" ê rût û tazî dihêle! Bi rastî, gerek e daner ew ji begîti jî daxistiba, ji ber dilovanîya cinawiran pê re qels bû!. M. Uzun çi dixwaze bi vê bûyera dirêj bêje?!. Eger nêri (ew bi xwe dibêje "Nêriyên tov") nîşana dolvedanê bin, dêmek bi kuştina nêriyân dola qenc li çiyayê Kurdistanê hate birîn. Ma M. Uzun dixwaze doleke baş ji Ewropa li Kurdistanê vegeînê!. Yan jî ji xwênerê xwe re dibêje ku kurd bi destêن payebilindên xwe (Mîr

Miheme) mane bê dol û di pêşerojên dîrokê de wê qir bibin!!.

Wilo, M. Uzun civaka kurdî, di dîroka kevn û nû de bi şêweyekî pasiv û bê hêvî diyar dike. Lewra, rola vê civakê di avakirina romana "Tu" de dimîne roleke jar, pepûk û bêkêr.

War (cih) di romana "Tu"de

War di romana "Tu" de rola xwe bi ferehî dileyize, lê mixabin ku bi çewti di tevna heyber de berçav dibe. Wilo, war di romanê de mal e, gund e, bajar e, zîndan e, "dembolê mîzê" ye û mista "dêweki" kurd e.

Warê avakirina heyber, ji dîtina pêşî, welat e, bi ferehî û dirêjaya xwe ve. Zîndan jî parçek ji vî welatî ye, lê nîşana serdestî û dîlkirinê ye.

Vêce, gelo çîma daner ev war bi çewti di romanê de ava kiriye?. Da em vî berî jî pir dirêj nekin û nîşandina romanê dubare nekin, emê nîşanên vê panahiyê, li gorî şirovekirinê daner berçav bikin:

1. Daner hewl nade ku ji warê dîlîtiyê (zîndanê) xwe bikşîne warê serfiraziyê (welat), gava ji cihê işkencê li girtîxanê vedigere û dibêje, ku "Pismam, mamoste û hevalên din yên girtî li dora te civiyanî". R. 220. Ëdî daner ne tenha xwe, lê qehremanên romana xwe tevan dispêre wê zîndana teng, hê ku hêviyên berxwedanê pê re bimînin gava dibêje "Te bi ken û girî serê xwe danî ser sînga Apo û tu wisan mayî..." R. 220.

Wilo, welatê daner bi wê panaya xwe ve biçûk dibe, tanî dibe zîndan. Di wê zîndanê de jî serê xwe (organê hiş û ra-

manê) dispêre singa wî kalê zo salê (diroka kevn) da bê kefteleft qîma xwe bi diliyê bîne.

2. Welatê kêzê ji, bi wê mezinaya xwe dibe "dembolê mîzê". Dêmek war (cih) li kêzê ji biçûk dibe. Wilo daner ji ba xwîşika xwe (kêzê) derdikeve, lê wê di taristaniya zîndana di zîndanê de (di "dembolê mîzê") bê ser û şop dihêle. Wilo, daner, bi vê reşbîniyê, war li ba xwe hin bi hin biçûk dike, tanî :

3. Welat, weku war şûna xwe di mista destê "dêweki" kurd de dibînel. Erê dêw ji hêlekê ve nîşana hêz, xurtî û mîraniyê ye, lê ji hêlek din ve ji nîşana nezanî, kewdenî û gêlîtiyê ye. Wilo, daner welatê xwe dispêre mista destê vî dewî, û xwe pêre dispêre reşbîniyeke bê sînor. Bê çawa daner kêzxtûna folklorî bi wê spêhîtaya wê ve bi "Kêzikeke biçûk û reş" diгуhere, wilo ji welatê xwe bi spehîtaya wî ve bi zîndaneke bê hêvî diгуhere.

Ramanê romana "Tu"

Armanca nivîskar ji berhemên wî ew e, da berê xwêner bide tiştekî ku nabîne, da behweriyêن xwe bîghîne wan kesen ku wî nanasin, da tozikê ji ser wan durêne te-mirandî vemale û bi behîfna wan xwêne-re xwe agadar bike. Ev dîtinêن daner di rîya heyber re têne berçavkirin, ci ev heyber ristane be, ci ji bexşane be. Berçavkirina wan ji bi şeweyê nivîskar ve, di avakirina heyber de, tê girêdan, ku rastûrê, yan ji veşartî dîghîne xwêner. Ci bi tengê komidî be, trajidî be, yan ji dramî û yên din be. Armanca wî, dawî dimîne, çavbelkirina xwêner li tiştekî ku bûye balkê-

şiya daner.

Roman ji, di vî warî de desthilat e ku berekî fereh bide ber xwe, eger romanni-vis bi xwe serdestî avakirina romana xwe be û karibe behwerî û dîtinêن xwe bi riştî ji xwêner te raxe.

Di vê çarçevê de, emê hewl bidin ku hin romanêن danerê romana "Tu", li gotî dîtinêن xwe, berçav bikin û bi kurtî li ser wan rawestin. Daner fermanê dide wê kêzika "biçûk û reş" ku "xwe neşîne. Ne xwe bişîne, ne ji min. Li vir, wekî xatûneke malan, li nik min bisikine. Xatûna zîndana min be..., li vir, li ba kekê xwe bimine." R. 33.

Ev xwîşk û biratiya kêzê û daner dosta-niya Quling û Rovî tîne bîra mirov, biratiya kurd û serdesten wan, ji Tirk, Faris û Ereban tîne bala mirov. Belê, rola polîsen Tirk di zîndankirina daner de weku rola daner e di zîndankirina Kêzê de. Dêmek, li vir serdest û bindest belû dibin, êdi birati li ku ma!!

Û da em li pirsa xwe, ya bi kêzxtûnê ve girêdayî, vegeerin, emê sê rewşan berçav bikin :

1. Qehremanê romanê (daner) bi desten polisan, ji zîndana mezin (welat) ketiye zîndana biçûk (zîndana mîriya Tirk). Li vir gunehkar, di dîlkirina daner de, dewlet e.

2. Kêzika "biçûk û reş" ji welatê xwe (zîndana mîriya Tirk) bi desten daner ketiye zîndana biçûk ("dembolê mîzê"). Li vir gunehkar di dîlkirina kêzê de, daner e.

3. Eger kêzxtûna folklorî ji welatê xwe (ji wê serfiraziya nav darikên tehliyê), ci

bi destêr leşkeran, çi li pey keskaya çekêwan, yan jî li pey rengên "jîp" ên wan, daner anîba zîndanê (zîndana mîriya Tirk) ba xwe, hinga serdest nedibû daner, lê dima mîriya Tirk, û daner û kêzê di bin yek pergala bêgunehiyê de, bi destêr dîlkeran, dîl dibûn. Êdî kêzê dibû mihvana nivîskar û hevalzîndana wî.

Di vî warî de daner karîbû pê re mijûl bibe, pê re bipcîive, wê bi serbestî berde paşila xwe, û bi lebt û livandina wê re êş û jana xwe, wilo jî kul û derdên wê, pesin bide. Wilo, kêzê û daner bi şürekî diketin û zîndankirina wan dibû berpirsiyariya yek zorkerî. Lê mixabin ku M. Uzun romana xwe bi ramaniyeke din ava dike, gava xwe li serê "kêzê" dike şuna polîsekî Tirk û wê di zîndanê de dike zîndanê ("dembolê mîzê").

Zargotineke Erebî heye dibêje: ku te yê feqîr dît pêlêke, ti ji xwedayê wî ne bi rehimtir i. Ramaniya M. Uzun jî di çerxa vê zargotinê de digere, gava xwe serdestî wê kêzika "biçûk û reş" dibîne, û nemerdî nake ku moralê wê di zîndana xwe de biperçiqîne.

Daner li vê yekê naraweste, gava propaganda ji xwedanegirtinê re (xwedîlkîrinê) dike, û dibêje, "Tu dizanî, girtîxane unîversitên civakî ne. Eger meriv bixwaze, dikare di girtîxanan de bibe hoste" R. 125, "Lê zordest nikarin têbigîhîn, ku girtîxane jî unîversitê ne" R. 125. Dêmek, M. Uzun bi têghiştin kêza xwe rêkiribû unîversitê!!.

Ez di vê pirsê de xwe berpirsiyarê revgera kurdî ya siyasi dibînim (bi hêvî me

ku siyasiyên Kurd, bi vê çewtiyê, li min zişt nebin), û weku berpirsiyarekî serkêş û bêhempa (di ber tevaya tevgerê de) xwe tavêjim pişt dergûşa M. Uzun, ku van ramanen xwe bi ti zimanen din belav neke (bila razen me di nav me de bimînin), da desthilatên me ne rake ser lepan!. Ma ne em doza dibistanen seretayî bi zimanê kurdî ji zarokên xwe re dîkin, bê ku haya serdesten me jê hebe ku unîversitên me hene. Gidî vê gotinê bela nekin, da serdesten me dergehêvan unîversitan li ber me nedadin!. Em ketîne dawa dê û bavênen xwe de, bila weku sêwiyê danûk di dawê de li me neyê!!.

Daner di rûpelê 126 an de jî vê behwerriyê berdewarn dike, gava dibêje, ku "Girtîxane wekî keçekte nazdar e. Demate ew xemiland, lê nihêri, jê hez kir, hingê tu dikarı wê tê bigîhîyî, nêzîkî wê bibî".

Eger ev hevok ne ji avakirina Xavyêr bin jî, lê M. Uzun bi pesnekî wisa nabe klasîkekî Kurd, ji ber dem, war, merc û şêweyên zîndankirina Xavyêr û Uzun jî hev dûr in, eger em li ser taybetiyen hisbal, bîrkêşî û têghiştinê wan jî nerawestin.

M. Uzun ramaneke din, di warê xwe-avakirineke rewşenbirî de, diyarî xwênerê romana xwe dike. Ew jî ewe, ku "prinsipeki" pir hêja û balkêş pêş xwêner dike, gava dibêje ku "xwendevanekî baş yê helbesran" R. 204 bû, û prinsîpe wî ew bû ku "Meriv divê helbestê careke din, rêz bi rêz binivîse" R. 204.

Hevalekî min bi qerf digot: Bêkêriya me Erebî ji sê tiştan hatiye...., ya sisiya

ew e ku Um Kelsüm* miletê me bi şev şiyar dihişt, da bi roj bikeve xewê!!

Wilo jî M Uzun ji xwênerê Kurd, di reya ramanên xwe re, dixwaze ku wextê xwe bi nivîsandina – kopîkirin – helbest û bexşanên çapkirî derbas bike!!.

Va ez aqilçelqqekî wilo me, ku min romana daner pêk anî, û romana "Tu" ji nû ve nivîsand!! De dîse jî barê min ji yê M.Uzun sîviktir e, ji ber bi kêmanî niha wî (li gorî "Prinsipê" xwe) dîwanên "Heyyan,Derwiş,Lorka, Arif û yên din" nivîsandine!!!

Kelevajîyên romana "Tu"

Bi ser ku hevîrtîşê romana "Tu" kelevajî ye, lê me tiştên herî kelê, bê tam û beloq dibin vî sernavî de civandin, da em şêweyê avakirina romanê ji vî besî jî bêpar ne-hêlin.

1. Gava daner di rûpelê 55 an de (bêgoman ne di "jîpê" de) lêdanê dixwe, devê wî "dîsa bi tiştekî ron û germ ve tişî dibû. Tahma wê şor bû".

Belê, bi lêdanê xwîn dirije dev. Rast e, ev xwîn bi tihna xwe germ e, lê bêgoman ne şor e. Eger xwîn şor ba, wê cihê dra-kola di mítusa miletan de neba.

2. Di rûpelê 77 an de daner "di salone-ke dirêj û teng de" dixwaze "xwediyê dengê zirav û kelgitî" nas bike. Dixwest "wê jinikê" bibîne. Lê tiştê dibîne "çarşefêke reş bû". "Dengê wê zirav, zar û zelal bû".

Bi ser vê teví de daner vê "çarşefê" ji pişta wê nas dike, "ku ew pîrejin ek"!

"Xwedyê dengê zirav" bi zayenda xwe nîr e (ji ber paşdanka zayenda mî 'ya'

ye). Lê, daner li ya xwe siwar dibe, da vî zayendê nîr bixesîne, û ji xwe re bike mîkew. Loma wî parçê cawê reş bi xûzbûna piştê weku pîrejin dinase, ne bi "dengê zirav, zar û zelal"!!

3. Daner di rûpelê 111 an de şîva roja pêşî ji zîndankirina xwe, wilo pesin dide: "mase bi nan, penêr, zeytûn, mast, şîr, hêk ve tîjî bûn". "Piştê çay hat".

Di rûpelê 130 de kêran ji bo "savar û nokên xeşandî" li ser masan belav dike. Di rûpelê 131 ê de jî "her roj savar didin" girtiyan, û tu nanê ku didin wan "bavêjî ber kûçikan, ew jî dê ne xwin".

Ev hevok xwe bi xwe şirove dikin, û pêpêlûka miçiqandina kehniya xwardemeniya girtiyan li gorî merdiya xama daner dihêlin!!

4. Daner di rûpelê 51 ê de xwe bi sedema destnîvsâ xwe ya bi kurdî dide girtin. Di rûpelê 134 an de jî dibêje, "Ez divê xwendin û nivîsandina zimanê xwe zû, pir zû hîn bibim". Lê, di rûpelê 199 an de jî bîr nake, ku "di wextê xwe de, kitabeke hesabê xwendibû" û "çend beyt jî jiber kiribûn".

Daner dibêje ku girtîxan unîversîte ne, xwêner behwer nake! Ma daner ev "kitaba hesabê" ne li unîversîta xwe bi zimanê kurdî xwendîye!

"Beytên" ku hîna li bîra daner in û di pirtûka wî de hatine raxistin 18 in. Her 18 coremalik bi kêş û rîzbendên kurdî ne. Dêmek, ev "kitaba hesabê" bi jimareke tenê ji bo daner hatibû çapkiran!. Fantaziya xewnan jî bi vî rengî li hev nayê!. Na, Eziz Çaçan [Kaleurdek e, li bajare Dêrikê dirûne. Mirovekî xwende ye, wilo

jî kurdî bi xwendin nizane.] di fantaziya de ji danerê romana "Tu" xurtire. Dibêje:

Sala 48 an şer giran e (şerê Felestînê). Em şikestine. Teyarên Cihûyan, weku başokê pey çûk bikeve, di ser me re dirêsin. Ji wan pelik bi ser me de weku baranê têne xwar, lê em şerê xwe betal nakin. Di nav re min destê xwe avête pelikekê. Di hişê we de çi tê de nivîsandî bû?. Ez benî, danibûn: Ezîz Çاقان, em û dijminê xwe ketine pêşîra hev de, û tu mirovekî kurdî, ma ya te çi ye!.

5. Daner di rûpelê 74 an de dibêje, ku "demekê herçî zargotinê kurdî bin, li ser xebitibûyî û hinek ji stranên şînê berhev kiribûn...". Di rûpelê 134 an de jî dibêje: "Ez divê xwendin û nivîsandina zimanê xwe zû, pir zû hîn bibim". Dêmek, daner zimanê xwe, berî bê zîndankirin, bi xwendin û nivîsandin nizane. Eđi dîmîne, ku zargotin û stiranên xwe bi zimanekî din civandibin û li ser wan xebitî be.

Li vir pêkenînokeke rûsî hate bîra min. Lî, ji ber ku Rûs pir sixefoker in, ezê si-xefen wan ji wan re bihêlim û kirasekî kurdî li vê pêkenînokê bikim (ez vî mafê dîziyê didime xwe) da hinekîbihna xwe fereh bikim. Ew jî wilo ye :

Dibêjin, hevoka (we serê me êşand) dane heft wergêran. Her wergerek wê vê hevokê wergerîne zimanekî, da yê dawî wê li zimanê wê vegevîne. Gava hevok li zimanê xwe vegera, bûbû (me serê we êşand). Ya rast ew e, ku min serê we êşand. Pişî vê vehisandinê, ez dixwazim kulekê ji ser dilê xwe bifirînim, û pirsekê

ji danerê romana "Tu" bikim :

Ew zargitin û stiranên kurdî, yên ku te berî zîndankirinê dayî hev, bi çi zimanî te nivîsandibûn?. Bersiv çi be jî ne giring e, ji ber tu dixwazî "xwe zû, pir zû" hînî zimanê xwe bikî. Lî, hêviya min ew e, ku tu wan nivîsandinê folklorî ji zimanê ku pê hatî nivîsandin ne wergerînî kurdî (ji ber ku folklor weku hêka qitikê zû disile), da nekevin wêraniya pê-kenînokê.

Halo, me lêkolîna xwe bi dawî anî. Bi vê bidawîlanînê re jî, emê romanê û romannivîs bi du xalan nirx bikin :

1. Daner, tenha pesnekî fotografi ji qehremanên romana xwe re dide, tenha wan ji der ve dibîne û wan li gorî banê huneriya xwe diaxivîne. Wilo, ne bi hişekî torevanî ne jî bi dîtineke rewşenbirî dîhingive kesên romana xwe, da karibe heyberê xwe bi şêweyekî bûrkêş ava bike.

2. Hişê nivîskar, bi bêserûberiya xwe, ne desthilat e, ku xwe derbasî nava qehremanên romana xwe bike û hestêwan pêş xwêner bike. Loma pesnê wî sere sere hatine, û danûstandineke xav û xil li ser zimanê wan dike. Loma jî bûyer û serpê-hatiyên jiyana xwe dike berhem ji romana xwe re. Bo vê yekê roman (weku heyber) û kesên wê (weku qehreman) dîmînin dûmahiya kesîtiya nivîskar, û di desten wî de dibin alavêner derkitina têgihiştînê wî, yên torevanî, civakî, zanistî û sisasi, û li gorî banê van têgihiştinan bi erkên xwe dirabin.

Ev herdu xal jî, xwe di rêya romana kesnameyi re belû dîkin. Loma me ev romana kesnameyi bi "Uzunname" da na-sîn û rexne kir.

Vêce, çîma me ev barê giran hilgirt û romana "Tu" bi vê ferehiyê, weku nimûne di romana kurdî de, rexne kir?

Mixabin ku ev war ne warê min e. Ji ber xwendina min endazeyarî ye, û ji endazeyariyê jî ya petrolê ye. Û ji ber ez nizanim bersiva pîrsa xwe bi kurtî rastûrê raxim, ezê di rîya serpêhatikê re berçav bikim.

Dibêjin, du xortan kazoz (sînalco) ve-dixwarin yek li hevalê xwe zivirî û got:

— Ka ew kazozâ berê, ku pozê mirov dişewitand û rondik jî çavan digindiran-din!

— Birako, kazoz ew kazoz e, lê namûs di pozê me de nemaye, da bişewire — yê din lê vegerand.

Ez qurbana wî spesyalistê kurd im, ku rexna kurdî li ser bingîhin zanistî ava bîke. De gava rexne bi erkên xwe rabe, wê heyberê kurdî jî spehî ava bibe.

Dawî dimîne ku spasiyeke gewre pêş-kêşî nivîskarê romana "Tu" M. Uzun bîkin, ku xwe kire nimûne ji rexna me re. Belê, ev rengê rexnê ne tenha li ser romana "Tu" ava dibe, lê bihtirîn berhemên kurdî berqef dike. ☐

Dawî

*Um Kelsûm: Dengbêja heri bi nav û deng e, li Misrê û li hemû welatên ereban.

Çavkehniyên lêkolinê :

1. Romana "TU". Mehmet Uzun. Stockholm 1984.
2. Ferhenga Kurdî nûjen A. S. A. Gewra-

nî – Emman 1985.

3. Rêbera rêzimanî E. R. Ekrawî ç. I 1980
4. Rêzimanê zimanê Kurdî bo kursê II Berhevkirina Zagrosê Haco – destnivîs.
5. Kurdsko – Russkiy frazeologîçeskîy slovari, M. Ü Xamoyan, Êrivan 1979
6. Grammatika Kurdkogo yazika, K. K. Kurdoëv, 1957
7. Nêmetsko – Russkiy slovari – Moskva 1973
8. Al-Arabî, oktober 1993 r. 150
9. Al-Arabî, January 1994 r. 71, r. 126
10. Nezeriyat elteelim - Dirase muqare-ne, Corc Um Xazdavwe axerîn, Alem el-meerîfe, r. 70, 1983
11. Elşefahiye we el kitabiye, Walter C. Onc, Alem elmeerîfe, 182
12. El itîcâh elqewmî fi elîfwaye, Dr. Mustefa Ebdilxenî, Alem elmeerîfe, 188
13. Elmelheme we elîfwaye beyne Baxtûn we Lokaç, Mehmed Ebd Elwahid, El-meerîfe, 263, r. 157–165
14. Qirae fi elwaqqiye el neqdiye, Morîs Cancî, Elmeerîfe 272, r. 144–161
15. Dîrasat fi elqise elqesîre, Yûsif Elşarû-nî, Dîmeşq
16. 1989 Elqise fi el weten elerebî, Muhsin Yûsif, Terablus 1985



Bi şasiti ev beşê li jêr ji lêkolîna Rezo ya li ser pirtûka M. Uzun, di hejmara 2-an ya Dugirê de nehatibû çapkirin. Hun û lêkolînvan li me negirin, spas!

Uzunname II

Hevokên romana "Tu"-yê

Bêguman, miletê Kurd, di rojhilata na-vîn de, yek ji miletên herî kevnar e. Wilo ji zimanê kurdî, di vê herêmê de, yek ji zimanên herî kevnar e. Dêmek, bê çawa taybetiyêن civak, jiyan û geografiya kurdî hebûn û hene, wê taybetiyêن zimanê kurdî ji hebin û gerek e bimînin. Belê, ziman roleke pir giring û hêja, di warê hebûn û parastina gel de, leyistiye û hîna dileyize. Lê, îro roj berdewamiya vê rola objektîv ji rewşenbirê kurd tê xwestin. Ji ber êdî ne tenha maye, ku ziman gel biparêze, lê bû ye ku gel vêce ziman bi-parêze. Ü ev yek ji, di behweriyêن min de, bi forma avakirina rast û durust ve, bi mijûliyeke kurdî paqij ve, tê girêdan.

Ne dûr e, ku behweriyêن min, di vî warî de, ji behweriyêن gelek nivîskar cu-da bin. Lê çawa be gerek e rewşenbirê Kurd, berî ku raje pêñûsa xwe, karibe bi hişekî kurdî ji xwe re mijûl bibe (û ev problêma nivîskarêne me ye), da karibe hevokeke kurdî paqij ava bike, û behe-mên xwe bi zimanekî sivik û rewan bine-qışine, da karibe vî zimanî bi taybetiyêن wî ve bi pêş ve bibe. Erê, tişte herî giran

ew e, ku mirov bingehêن zimanê xwe, bi nezanî,bihêrivîne. Anglo, xwe bispêre formen avakirinê biyanî û taybetiyêن zi-manê xwe dûr bavêje.

Ne dûr e, ku gelek bi seyr bipirsin: "Ma kî dikare dest bavêje bingehên zi-manê xwe, û wanbihêrivîne ?!". Belê, ev pirseke durust e... ma "Kî tiliha xwe dixe çavê xwe!". Lê dive em jîbîr nekin, ku ti-liha me bê hemdê me (ne bi daxwaza me) dikeve çavê me de. Çawa?. Bi asa-nî... Ji ber me bi zimanê xwe ne xwendî-ye, em fêri avakirinê hevokên biyanî (çî yê serdesten me - di rêya dibistan, rádyo, televizyon...ûyd. de -, çî ji yê kultûra cihani) bûne. Bi kurî, em bi hişê biyanî diramin, tanî em nema, çî yê me ne, çî ne yê me ne, ji hev derdixin. Wilo, em hin bi hin dûrî taybetiyêن xwe (çî ci-vakî bin, çî zimanî bin) dikevin.

Ü da ez karibim behweriyêن xwe bihtir bidin nasîn, ezê li ser avakirina hevoka kurdî rawestim (ne dûr e ev babet, di pêş de, bibe derikî lêkolinan) û danûstandi-nekê, di warê fraziolojiya kurdî de, bi xwêner re vekim. Belê, ez li ser şeweyêن sade û hevbend, di hevoka kurdî de, na-rawestim. Wilo ji, ez li ser beşen rîzimanî di avakirina hevokan de (hevoka na-van, hevoka hevalkarî, hevoka saloxî, hevoka pîrsiyarî, hevoka merbendî, hevoka ferمانî... úyd) narawestim. Lê, ezê li ser taybetiyekî din, di hevoka kurdî de, ra-westim-taybetiya fraziolojî di avakirina heyber de.

Du beşen hevoka kurdî, di warê fraziolojî de, hene. Her beşek ji hin grûpêne hevokên serbixwe himbêz dike.

1. Hevoka step (qesp)

Ev beşê hevokan guhertinê nawergirê, û nivîskar ne xwedî desthilat e ku hunerê xwe di guhertina wan de nîşan bike. Ji van hevokan: zargotinên kurdî, gotinên folklorî, cindîtiya gel... û y.d.

2. Hevoka pexox (fiş)

Ev beş jî; wan hevokên ku nivîskar desthilatî guhertina struktûra wan be, di bin baskên xwe de, dicivînin. Û nivîskar dikare, di rîya van guhertinan ve, hunerên xwe berçav bike. Ji van hevokan: Hevokên bi jiyana civakî, eborî, siyâsî, zinasî... ûyd. ve girêdayî ne.

Rengên hevoka step

Hevoka step grûpeke pir mezin, di frasiolojia kurdî de, bi xwe ve girêdide:

a. Hevoka oلى

Kurdan, li gorî civak û zimanê xwe, gelek hevokên oلى afîrandine. Ev hevok tenha di warê karên oldarı de têne pêkanîn:

Filan kes werd kişandin, filan kes dest û rûye xwe buwart, filan kes destlimêj girt, filan kes destlimêja xwe şikand... ûyd.

Belê, werdkisandin ne leystîka tizbiha ye, dest û rûbuwartın ne dest û rûşûştin e. Wilo jî destlimêşikandin ne avrijandin e, yan jî derketina derve ye. Ji ber ev pişk karekî serbixwe dide naşîn. Dêmek taybetiyeke hevoka oلى heye, ku nivîskar ne desthilatê guhertina forma wê ye.

b. Hevoka dudîl

Ev rengê hevokan danasîneke alîkar ji hê-

la nivîskar ve dixwaze. Ci ev danasîn di bedena heyber de be, ci jî rastûrê be. Weku:

Mûyên laşê filan kes bûne bist, filan kes depikên xwe li hev xistin, barê filan kes giran e... û y.d.

Grûpa van hevokan dudilîkê, bi xwêner re, çêdike. Lorna alîkarî ji hêla nivîskar ve gerek e, ji ber ku bi hêrzên tîrs û mîraniyê re mûyên lêş dibne bist. Levdana depikan dibe gelacî (fitne), û dibe pêkanîna karekî pelandî. Barê gora jî dibe ku pelandî be (maddî be), û dibe ku ne-pelandî be (me'newî be). Lê çawa be, nivîskar ne desthilatê destavêtina struktûra vê grûpa hevoka ye.

c. Hevoka bêbiheng

Hevoka bêbiheng dikeve warê avakirinê bêsûd de. Lê forma xwe di zimanê kurdî de bi rengekî step standiye. Weku:

Nan û mast, taştya bi rast. Nan û dew teştiya derew, şîr qeweta kîr... ûyd.

Ev grûpa hevokan bê bingeh hatiye avakirin, ji ber ku xwarina nan û mîst nabe taştya herî çak, hêja û bi menaşe. Wilo jî xwarina nan û dew ne mana xwirînî ye. Û nabe tu bêjî, filan kes nan û şîr xwar û çû nav livîna xwe, dêmek mîrani jê diherike. Na... Lê vê grûpa hevokan, di zargotina kurdî de, cih girtiye. Ji hêle-kê ve, lihevhatineke fonetîkî diyar dike... ji hêla din ve, pêpelûkîn çetiyyê berçav dike.

d. Hevoka şirovekîr

Gelek gotinên (bêjeyen) kurdî hene, ku ew bi teka xwe hevokê, di nava xwe de,

ava dikan, û gerekî şirovekirinê nabin. Weku:

filan kes ji şer pozfirkandî derket, filan kes çavşikestî bar kir, filan kes serdiberde di ber filan kes re derbas bû... û y.d.

Ev karnavên pozfirkandî, çavşikestî û serdiberde hevokên xwe şirove dikan û bûyerê berçav dikan.

e. Hevoka nenas

Ev grûpa hevokan bi herêmeke teng ve, bi grûpek gelî biçûk ve hatine girêdan û li ba wan nas û cihgirtî ne. Ev grûpe li ser bingehêن serpêhatîkê, bûyerekê, yan jî rewşekê hatine avakirin, û karakterê vê heremê û kesên wê, di nava xwe de, berçav dike, Weku: "bifire jî, bizin e!", "Meyzê, bê ew qurmê reş ne kera mey boz e!", "Apê Rîxo, navê bavê te çi ye?"... û y.d.

Hevoka pêşî bi deşta şingalê ve girêdayî ye. Çawa du kes, ji dûr ve, reşekî dibînin. Yek dibêje, teyr e (balinde ye)— Yek jî dibêje, na bizin e. Piştî nêzîkî reşê xwe dibin, ew difire. Lî, yê gotî bizin e ji ya xwe danakeve û dibêje: "Bifire jî bizin e!".

Hevoka navê bi bûyerekere gundê Darê ve (Bakurê Kurdistanê) girêdayî ye. Di vê bûyerê de, kera yekî gundi winda dike. Piştî lêgerekere dom, dibake gundîkî xwe, ku di newalê de ye: Meyzê, bê ew qurmê reş ne kera mey boz e!. Hevoka dawî bi deşta Cizîrê ve girêdayî ye. Di vê bûyerê de yek ji mihvanelekî gund dipirse: navê te çiye?".

f. Hevoka dengan

Ev grûpa hevokan bi hevbendiya du

dengan ava dibe, û avêtina dengelkî (yan jî guhertina wî) hevokê ji gurd dixe. Weku:

Dim-dim, req-req, fiz-fiz, çîw-çîw... û y.d.

Gava mirov bêje: "Ew kî ye, dim-dim dike?", "bû req-reqa ewran", "bû fiz-fiza bê" û "bû çîw-çîwa çûkan", hevokeke gurdikî ji nav lêvan derdixe. Lî, gava mirov "dim" ekê, "fiz" ekê û "çîw" ekê ji vê hevbendiyê rake, hevok şejna xwe winda dike û bê wate dimîne.

g. Hevoka dupesin

Di vê grûpa hevokan de, hevbendiya du pesnan rola herî giring, di avakirin û wata hevokê de, dileyize. Û avêtina pesnekî, hevokê dihêrivîne. Weku: şût û rût, xil û xav, dîn û mîn (dîno-mîno), hûr û mûr... û y.d.

Ji ber kesê "şût", ew kesê şahîk e. Lî kesê "şût û rût", ew kesê tiştekî wî nebe. Wilo jî, kesê "dîn", ew kesê ku hiş û sewdan bi der dabin. Lî kesê "dîno-mîno", ew kesê ku xwe bi xwe li dînîtiyê rast dike, da xwe ji raweşekê neçar, ji daverekê xelas bike.

Gotinên step (qesp)


Piştî vê yekê, dimîne ez li ser gotinên step di hevoka kurdî de rawestim û gi-ringiya wan, di hevokê de berçav bîkim.

Gotinên step dikevine hevokên step û pexox de û struktûra avakirina wan bi xwe ve girêdidin. Guhertina van gotinan hevokê dihêrivîne, û hevok, wê çaxê, namîne hevokeke kurdî. Weku nimûne:

1. Di hevoka step de

"Şûr simbêlê wî nabire", "pisik nanê wî dixwe", "golikê paçikoxwer e"...ûyd.

Şûr, pisik û golik gotinê step in di van hevokên step de. Dêmek, guhertina van gotinan rola hêrivandina struktûra hevokê dileyize. Belê, eger em şûna "şûr" me-qes deynin, şûna "pisikê" keftar deynin û şûna "golik" hesp deynin, wê ev hevok bibine çi?. Bi kurtî, wê bihêrinvin û bêsûd bimînin.





2. Di hevoka pexox de

"Memo bistek goş xiste tenûrê", "Kebaniya malê kelek kutilk keland", "Zinê dewlek av kişand"...ûyd.

Goş, kutilk û av gotinê step in di van hevokên pexox de. Dêmek, bi guhartina van gotinan wata hevokan jî tê guhertin. Lî kirde û lêker, di van hevokên pexox de, dikevine bin barê guhertinê bê ku hevok wata xwe winda bike. Anglo, bi guhertina kirde û lêker re, hevok durist dimîne. Wilo:

(Min, te, wî, me, we, wan) goş (biraşt, bi dar ve kir, çêkir...), (Min, te....., wan) kutilk (dagirtin, nimandin, di ber avê de kirin...), (Min, te, ..., wan) av (anî, ri-jand, rejand...) 



*Ev sernavekî beşê teorî ye ji lêkolîna romana M.Uzun re.

STEFAN SCHARENRECK



Dewleta Dostikî – Ronîkirina çend aliyên şaristanî –

Dewleta Dostiki (Merwanî) p.z. di sala 982-an de hatiye damezirandin Damezrênerê vê dewletê Badê Dostikî bû (1). Bad jî, di wexta xwe de, bi mérani û cegerdañ û bîrtûjî û şarezayiyê hatibû naskirin. Ibin Elesi di pirtûka xwe de ya bi navê (Elkamil Fi El-tarî) de dibêje ku xilifeyê Ebasiyan (Udid El-dewle) wexta bi Badê Dostikî re civiya, bi dizî ji wezîre xwe re gotiye ku ev zilam mirovan dirirsîne. Wa dixuye ku Bad bi xwe jî di çavên xelîfe de hin tişt xwendibûn, lewra şiya ligel siwar û leşkerên xwe ji qesrê bireve û xwe ji tora xelîfe û leşkerên wî rizgar bike.

Piştî wê dest bi avakirina dewleta xwe ya di çesnê stiraneke kurdî de, dike.

Di destpêkê de êrişa xwe dibe ser Ardîş (2) û yeko yeko piştî hinartina nameyan, keleb û bajarên kurdan dergehêن xwe bê xwîn rijandin li ber wî vedikin. Bi vî awayî navûdengê Bad belav dibe û dewletên cîran ji tîrsa xwe re, bi taybetî dewleta Biweyî û xîlafeta Ebasi dest amadekirina hêz û betalyanêن xwe dikin da ku

li bermberî destkeftin û berfirehkirina dewleta wî rawestin. Gelek caran hewl dane ku wî bikujin. Di êrişa xwe ya li ser Mûsilî de, Bad vê carê bi rastî têt kuştin.

Rawestana li ser şexsiyeta Bad pêdiviyî lêkolîneke taybetî ye digel ku jiyana wî tarî û di çavkaniyêñ dîrokî de ne ewqasî zelal e.

Navê wî Husênenê Ebdulahê Dostikî ye û ji kurdên Harbextî ye, ji mîrên Botan e.

Piştî Mirina Bad, Ebasiyan û Biweyîyan û romê wa texmîn kirin ku êdî ji tîrs-nakiya dewleta dostikiyan xelas bûn, lê belê berevajî gumana wan, cîgit û mîrat-girên Badî, bi taybetî Ebû Elî kurê Merwanî, di demeke kurt de şiya bajarên xwe ji nû ve asê bike û hêza xwe jî careke dî berhev û tundtit bike.

Ibnû Kesîrê Dîmeşqî vê yekê bêtir zelal dike: "xelîfeyê Fatimiyan şandeyeke gitranbuha digel diyarî û entîkeyan hinartibû cem Mîr Ebû Elî û hebûa dewletê pejjirandibû, herwilo xelîfeyê Ebasiyan û Imperatorê pîzantian jî her yekî ji milê

xwe ve daxwaza hevalbendi û sînorbendi-yeke hêja jê dixwestin".

Firehbûna Dewleta Dostikî

Destnîşankirina firehbûna û zemîna ku dewlwt li ser ava bûbû, hinekî aloz e. Lî eger em navçe û herêmên di bin destê dewletê de bi sînor bikin renge em bikaribin di vî warî de wêneyekê di hişê xwe de ji berfirehiya wê dewletê re dirust bikin (3).

Miyafarqîn (Paytext), Diyarbekir, Ar-
dîş, Nîşêbîn, Mêrdîn, Reha (Urfa), Mûş,
Wan, Hesen-kêf, Xerbût, Botan, Qamış-
lo, Amûdê, Serêkaniyê û Dêrikê û Dir-
bêsiyê.

Diyar e ku hemî xaka kurdan neketibû bin destê Dostikiyan. Lewra ji bo ku em wêneya giştî ya vê dewletê bizanibin gerek nexşeya siyasi ya wê serdemê li ber dest be, gerek em bişen nakokiyên siyasi û hêzên leşkerî û tengên pevçnê, binasin, û em bikaribin çawatiya dànûstendina Dostikiyan bi xwe bi wan rûdan û bûyeran re, têbigihêjin.

Dewleta Biweyhî û xîlafeta Ebasi wê wextê li Bexdayê bûn, û xîlafeta Fatimî jî li Misrê bû, di navbera wan de her û her li ser serkêsiya Misulmanan pevçün rane-
diwestiya. Li milê dî, Imperatotiya Bî-
zantî jî fileh diparastin û di navbera van
hersê dewlatan de, berî hatina Selçukiyan
(4), pevçûna ji bo daqurtandina dewletên
biçûk li dar bû.

Digel ku Mîrên Dostikiyan carcaran
diyarî jî pîzantayê re, lê ne wek Hemeda-
niyên Helebê di şûna bacê de, dişndin.
Herweha peywendiyên wan ên siyasi û

aborî wek ku çawan ligel Ebasiyan hebûn
wisa jî ligel Fatimiyan berdewam bûn.

Vê siyaseta bê alîgirî hiştiye ku dewleta Dostikî, hem cîhekî taybetî di herêmê de ji xwe re qezenc bike û hem jî dewleta xwe ji şer û pevçûna bi cîranan re biparêze. Lewra wextekî pir hêja ji bo avakirin û pêşvebirina dewlwtê bi destxistibûn, bûbû penageha hemî perîşan û renckêşen navçeyê.

Di qûmîstana dorhêlê de dewleta Dos-
tikiyan ji ber gesbûn û lêewlwbûnê bûbû
bazargeha bikaranînâ sermiyanê ba-
zirganê herêmê, tenê li wê dewletê dikarîbûn bê rîbirr û pêxwas û bêyi tawanka-
riyan bazirganiya xwe berdewam bikira-
na.

Ibnû Kesîr Eldîmeşqî di vî warî de wisa
dibêje: "Ibn Elbehât ê bazirgan di rojekê
de 500 Dînarên bîzantî qezenc dikir".

Ibnulfariqî jî dibêje ku, Dewleta Dostikî
li rada desthilata xwe sermiyanê tu kesî
ji wan nedistend; ji bilî miroveki bi nave
(Ibn Elcurî) ku çek di mala wî de dîti-
bûn, wek nokerekî ji bo welateki dî hati-
bû nav wan dixebeitî.

Dîroknaşen ku li ser qonaxa dîrokî ya
navçeyê radiwestin didin xuyanîkirin ku
Nesir Eldewle - Ebû Elî bi vî nasnavê ku
diyariya Xelîfeyê Ebasiyan bû dihat bi
navkirin- Mîrê Dostikiyan, miroveki si-
yasi, şareza û hişmendekî bê hempa bû.

Di têgihiştina hunera desthilatdariya
dewletê de dûrbîn bû, lewra şiya gelê xwe
di aşîti û xweşiyê de bihêle. Li seranseri
53 ê salan bi hiştûjî dànûstendin ligel
dewlet û imperetorên herêmê dikir bêyi
ku welatê xwe hogirî asteng û nakokiyên

siyasi bike. Herweha beşdarî çareserkiri-
na pirsgirêkên di navbera dewletê navç-
eyê de, dibû.

Bi kurtî, Dewleta Dostikî, digel ceger-
darî û hemî hêzdariya xwe ji, li dijî şer ra-
diwestiya, bi awakî giranbuha li jiyana
mirovêx xwe temâşedikirin. Wexta ku
êrîşen derve dihatin ser dewletê (Nesir
El-dewle) wezîrê xwe û çend serlesker di-
hinartin meydana şer da ku raportekê li
ser hêza dijmin ûbihayê aborî yê serkef-
tinê amade bikin. Pişti raporê ferman di-
da wan û digot: "Ewqase pere bidin wan
da ku bela xwe ji şer vekin". Bi vî awayî
giyanêx xelkê diparast. Elfariqî û Ibin
Elesîr di vî warî de wisa dibêjin: "Nesir
El-dewle da ku dewleta xwe ji şer biparê-
ze pêncî hezar dînar dabû herdû serleş-
kerên Minxoliyan Ebû Qar û Nahifî
herwisa dabû Bedranê kurê Eqîl, Mîrê
Ereban."

Dewleta Dostikî û hunera avahiyê

Jibermayî û kavil û şûnşopêñ hunera ava-
hiyê yên dewleta Dostikiyan mirovan
mit û mat dikan. Di wê wextê de, û di
wê navçeya ku bi şer û pevçûnan mijûl
bû, Dostikiyan berê xwe dabûn avakirina
pêdîviyêñ jiyaneke xweş, hewl didan ku
xwe ji ber pevçûnan bidin alî da ku xwe
ji avakirina şaristaniya mirovane re û xwe
ji avakirina welitekî bajarvanî û xweşkiri-
na jiyana xelkêñ wî welatî re, vala bikin.

Ji nû ve tekûzkirina Keleha Amedê û ji
nû ve tebûtkirina sûra wê û keleha Bat-
manê û sûrêñ Miyafarqîn û pirêñ asê li
ser çemê Batmanê û kelehêñ Botan, tev,
çend nimûne ne ji hunera avhiya Dostî-

kiyên ku navêñ xwe û navêñ avahîkar û
hostayêñ kurd li ser wan kavilan kolandi-
ne.

Herwisa, Dostikiya bi awakî pir balkêş
guh dabûn avakirina bazaran û kolanan
û hew dabûn ku ava paqîj li hemî bajêr
belav bikin.

Béguman hemî avahî û eywanêñ ku di
wexta Dostikiyan de avadibûn, wek pîşê
û hunereke spehî; bi taybetmendiya giya-
nê kurdan ve girêdayî bûn. Lewra ji yên
herêmê û ji hunera avahiya Romanî pir
cihê bûn. ☐

Berdewam dike





Pirtûka kulîlkan

Ji kulîlkan hez dikim lê tu tiştî ji wan fam nakim. Renge hemî xelk wisa bin. Lê ez bi xwe wan wek xuşkên xwe dibînim. Serhişkiya min kulîlkeke tûj e ji kîmyaya damaran e. Lîvîn min ên xwesik di çesnê kulîlkeke nebişkivî de ne. Dilê min digel dudiliya xwe di riha Apê min de dijene. Destêن min ji mîna çequ'lén li ser keviya gola Sado; di qehwa sibehê de, dilerizin. Cigehêن min wek kulîl-kêñ bihîvîn Mele Hesen in; Mele Hesen ê ku bi werz û rovî û çelekêñ xwe sermest û dadayî bû. Biçûk bûm, kulîlka dayika xwe bûm, dayika ku li ser keviyêñ çewalan rûniştiye û bi valahiya xwe re digunce. Hermela dîwaran bûm, hermela ku bi demek kurt re digunciya... Şérînê! Şérînê!

"EZ nêrgiza Şaron im, sosina gelîyan, yara min di nav keçan de wek sosina di nav stiriyan de ye. Yara min di nav lawan de wek séva di nav dara tehtê de ye, dilê min bijiya rûniştina li bin siya wê û mêmeywa wê ji bo gewriya min şérin e."

Şérînê, berya ku kulîlka zer a penceşêrê (kanser) wê hilke; ez hînî kulîlkan kiri-bûm. Em li teniştâ perjanêن yasemînan radiwestiyan, leşkerên kevnar ji li teniştâ

me radiwestiyan, ji kevirê Ataturk hetanî wan perjanêن ku mîna taristanê kûr bilind dibûn. Yasemînan serserîtiya xwe li ser perjanan girêdidan, evîn ji me re ron dikirin, lê tunebûna yasemînan di destni-vîsa Apê min de cihê daxê bû. Yasemîn nas nedikirin, hetanî roja mirina wî ya sipî ji yasemîn nas nedikirin.

Balkonêñ Skandinavyayê, pencereyêñ xaniyêñ wê, êvarêñ zuhatiyê, çirêñ wê yêñ di sedemêñ xwe de rewan in, kulîl-kêñ dilbijandina séksî, kulîl-kêñ cejnan, kulîl-kêñ xatîtxwestinê, kulîl-kêñ këmasiyê, kulîl-kêñ ku di bagerê de xirecirê di-kin, kulîl-kêñ dûr û tekper (ji nişkêve), berhest (mehsûs), dudil, her û her ji bo kulîlkan ji sozêñ xwe dereng mame, ku-lîl di têlêñ Gitarê de, kulîl di birîna min de; eger Damyana dereng ma, û ji kulîlkan ji, Apê min; ximava (hibra) pirtûka xwe derxistibû, û bi kulîlka hinê; si-pîbûna riha xwe; bi keskê gumanan çi-randibû, destêن hemî Bedirxaniyan zeft-kiribû û hestêñ Amûda di bakurê xwe de; şanî wan dikir. Di xwarina kulîl-kêñ xemgîn de û di li ser goristanan belavkiri-na wan de, zana bû. Wêneya wî bi dar-

bestan û bi zeyzefûna tenhatiyê têt çiran-din. Bi cihkirina rewan a miriyan di kor-talên Hesenê Gunreş de; Apê min diêşî-ne. Bi matmayîn dike kurtepist, destma-leke biçük derdixe, benêñ kerker (kefen) vedike, û eniyêñ miriyan; mîna ku di nav destêñ wî de kulîkine biçük bin, mist di-de:

— Ez dizanim ku xwêdan didin.

Di navbera sîberêñ xwe û tozê de gun-cînekê durist dike, carcaran bi wan re di-çû, dûr diçû, li ser hemî kulîkîn Kurdis-tanê difiriya.

— Ma xwene tu mêsahingiv i, de dev ji vê adetê berd malava?

Besnê gazinêñ xwe dikir, lê Apê min dibîsîrs:

— Erê ez mêsahingiv im.

Rewşa wî rewşcke taybetî bû, tûcina nû, û seerêñ ku jê re dihatin, seetêñ miri-yan ji bo wî bûn, para wî bûn

— Ez tu tişti ji bilî seeta wî naxwazim, ma pişti mirinê dê ci bike jê?

— Lê seeta Hec Ebdo mala Apê min wêrankiribû:

— Tu yê kinga bimîri lo?

— Wexta ku kulîk li ser kevirêñ min şin bêñ.

Kulîk ne tenê li ser kevirêñ wî; lê li ser dergûşa kurê Şevê (navê jinekê ye), li ser asîtanka axur, li ser qebqeba kewê, li ser minara mizgeftê ya bi ser hewşa wî de çemiyayî, li ser çaroxa wî, li ser katjimê-rêñ sibeha wî wexta ku li ser keviran li navêñ penaberan digeriya, şin têñ.

— Bi ci zimanî?

Zimanê balendeyan, zimanê kulîkkan, zimanê çarşemê, zimanê Şêx Seid, ku li

ser pirê bi leşkeran dorpeçkîriye; wexta ku radiweste da ku wêneya wî ya dawîn bikişînin:

— Ey Qazî Muhemmed! Bo ci destêñ te; wek xaçekî; li ser hevdû ne, Destêñ xwe ji hevûdû vek... Bibîşir... Piçekî wê xem-gîniya giranbuha biparêz?

Pencereyên Iskandnavyayê, avgîra (hewza) herçar masiyan, kevz xwe li ba dike, barûd li jor e, çar masiyêñ rengin; çar alî ne, Cegerxwîm dibêje ku herçar alî aliyêñ kulîkkan in, berê xwe dide firosge-heke gulan, li gel heftê saliya xwe; gurze-ke gulêñ zer dikire, li ser kaxezake biçük dinivisîne! Ji bo Olof Palmê /gurza gulan bi dizî bi rengekî zer dinuxumîne, ji Mit-royê derdiçe, di gavêñ xwe de seqemê har dike, gurza gulan di bin yelekê xwe de vedişere, yelekê gulgulî yê di çesnê perde-yên Kafafîs de, bi lez, hêdî hêdî, Qamiş-lokê û navêñ nû yên gundêñ kavîlbûyi yên Arnûdê tîne bîra xwe, navêñ kenokî yên ku di arşîfîn nifûsî de hatîbûn gu-hertin û nivîsandin:

— Ew arşîf defterêñ min bûn, min bi xwe navêñ gundan di wan de nivîsandibû,

— Kîjan gund ey Bedirxanîno?

— Gundêñ Cegerxwîn.

Gir navêñ xwe ji ber dikin, di qatêñ xwe de kulîkîn xwe vedişerin, di her qa-tekê de celebek, û di pirtûka Apê min de; gelek celebêñ seyr ji kulîkkan; û ji gîhayêñ biçük û germ; hatîbûn dîtin, wêneyêñ gelek gulîkkan jî di pirtûkê de hatîbûn bi cih kirin. Rengê vê kulîkê hêjayî Ehme-dê Xanî ye, tengê vê kulîkê ji li gel Lorka digunce, û tengê pûngê li gel tevan di-

gunce, na...! Tenê li gel min digunce, ev teng tenê ji bo min hatiye çekirin, ez dê rê nedim tu kesî ku ví rengê min dagîr bike.

Di buharê de; hemî zilam hildikişin ser giran, bînçikandî ji gundekî ber bi gundekî dîtûr ve diçin û li nameyên Şêx Seîd ên ku ji Apê min te hinartibûn, lê negihîstibûn, digerin. Tekelêن piskeleten wan ciridê bi hev re dîkin, qutîyên tûtinê ji bêrîka hina dikevin, keseran dikişinîn, pif hişkahîya kulîlkân tiliyên xwe dîkin, hildikişin/ dadikevin, cigareyan dipêçin, bîna werisên kevnar dikişinîn, zirav in, lê dikarin lingên Şêx Seîd li ber bayî bihejînin:

— Bi şimayê nixumandine.

Têla qalind a Gîtara sazbendê Ispanî, hûnandiye; lê bi dilovanî, bi tiliya xwe; sazê bi paniya pêlava Damyanayê re diguncîne, û Damyanayê jî porê xwe yê reş di nav destên min de vedike, guleke sor ji nav porê xwe derdixîne, kulîlkân biçûk û bişkojan hildike, wan davêje guldanka mişt av: Ev qeyikên min in, ez ji Xînatayê me, ez jî gola Sado me, de were da ku ez vê serpêhatiyê ji te re bibêjim:

Hebû nebû rehme li dê û bavê min û te bû:

Bêtirî 100 kurdî ji alî leşkerên turk ve hatibûn xeniqandin, pişti ku ew xistibûn kîsên dev asê, ew avêtitibûn Behra Wanê.

Wexta ku Şerînê li dergehê min dixîne; kulîlka kindirê û kulîlka êvarê û wêneyên yênen xeniqandî di neynikê de rengvedi-

din, di koşeyeke neynikê de; guleke mezin, guleke zer û bişkîvî, di çesnê nexweskî de, stûyê xwe bi ser ximava destê min de wexta ku dudiliya êrişker dinivîsim, diçemîne. Ji bo ci kulîlk? Kê bi van xuşkêن spehî dest pê kiriye? Satilek ji sıfir, di satile de qefdêñ lezok ên kulîlkân xelmaşbûnê, hemî kulîlk mirovan xelmaş dîkin, Damyanayê wisa dibêje, tûtina min kulîlk in, Sado dibêje û berdewam dike: Ez ne qaçaxiya tûtinê lê ya kulîlkân Torosî dîkim.

— De fêri cigarekêşanê bibin lao da ku di pîrbûna min de hûn cigareyan ji min te bipêçin.

Satilek sıfir ji destên dayika min bo roviyan û bo kulîlkân havînê, satila Apê min jî bi ximava wî û bi helbestê wî yên efsanewî yên li ser navêن kulîlkan, nîmandiye.

Min navê kulîlkan afirandine, hemî nav navêن min in, milkêن min in. Mafê te nîn e ey Cegerxwîn tu nêzîkî wan bibî, bi sîbera xwe re dipeyive. Bînteng dibe, bi lez ba dikişîne sînga xwe û bi herdû çavên xwe yên mişt hêşir bi pey rengê vê berbangê dikeve.

Amûdê di xewê de ye.. Dengê zîqezîqa tekelêن erebanan ji dorhêla bajêr dibihîze, Renge (belki) şandeyekî Şêx Seîd be.. Na, ev zîqezîq cihê ye! Vê carê nameyên wî pir dêrg mane. Nameya dawîn a ku jê wergirtibû, çend dilopêñ xwîna zuha li ser dixuyan, lewra ji wê wextê ve tîrseke ne diyar hest dikir:

— Ma gelo ev xwîn e yan rengê kulîlkân Şêx Seîd in?

Tiliya xwe birîndar kir, û dilopêñ xwî-

na xwe bi ser kaxezekê dîtir de niqutan-din.

— Xwîn ji Diyarbekrê hetanî riha min dinuquête.

Name wek ku hebû, li ser rûpelekî ji destnivîsa xwe ,çesipand, û hawirdorî nameyê bi kulîlkên sipî xemiland

Şêrînê bi xwe nizanîbû kulîlk çi ne, ew hildikirin û dixwarin, bi riha Apê min dilîst û jê re digot: Evênu ku li ser riha te yî kesk mane çi ne?

— Kulîlk in... Kulîlk in Şêrîna min!

Kulîlka yekemîn a ku min kirîbû, ku-lîlka sor a qurnefelê bû, min diyarî jina hevalê xwe kir, şerm kir.. Kulîlka sor a evindaran bû. Ma gelo min jê hezdikir? Lîvîn wê di çesnê du kulîlkên buhaba Amûdê de bûn. Min jê hez dikir, ne hez-kirineke Irosî (îrotîk, cinsî), min ew dix-

west, min dixwest ku xuška min bit, min jê re go.

Lê ez ne xuška te me, di pîrsan de ez keservedana kurdan im, ji min re got.


Kulîlk û jîn hergîz (ebeden) xuşkêñ min ên spehî ne, diya min jî xuška min e.. Dilovanî ji Göteborgê diherike, bi fîrişteyên bêdeng ronî dibe, fîrişteyên ku ji bîlî xwelibakirinê tu tişî nizanîn, raperîna periyêñ wan ên aştîxwaz dibihîzim, perî û ba, ji nişkê ve, wek teriyêñ wan masiyêñ di avgîra ebedî de, masiyêñ ku bi oksijînê re xwe li ba dikin, serîn xwe li camê dixînin û derbasî xemgîniya xwe dibin, li bin guhê hev dikevin:

— Çawan masî dikarin xemgîn bibin?

— Masiyêñ te kor in birazê!

— Masiyêñ te jî kor in Apo!

— Erê rast e lao! Lê ez dihêlim ku bibî-nin.. Ez wan dikim ximavê (hibit) ji bo xwendina koran. ☺





Qamişlo

Sevê te yên mişt çirokên pîrhevokan, helkîhelka sînoran, bîna barûdê û kurtepistên fetisi, tena-tena, bi sergiranî, li kolanêن bajêr belav dibin, mal bi mal digerin, bi xwe re mistên mewîjan û zerikên şîr û mast, navêن kuşî û girtiyan, kîsikên tûtina qaçax, pelikên qedexe û maçen qedexe, ji malekê dibine maleke dî, û bi dengekî nermejjî çirokên perîyan, ên dêwan, ên jîn revandin û talankirinê dibêjin da komên zarokan bi germa laşan di himbêza malên te de di xew ve bibin.

Kolanêن te yên bê ser û ber, her sibeh, bi reqereqa simê hespêن Polatiyan silava hev divedin.

Sûka te hê ji bîr nekikiye çawa zarokan "Şawî" dixapandin, çawa hemalan (barkêşan) bi dijwariya şerê çengalan pereyên rojê li hev par dikirin, çawa di qehwexaneyên te de xweşmîrên simbêl hinekirî bi yek fişekê di xwîna heyfê de dihatin gevizandin.

Di hûçikên te de govendên perîyan digerin, xêlê cinnan bi rê dikevin, sal û demsal tev dibûrin, babelîsokê har dilizin û pêxemberekî agirperest û sêwilek di asoyên teqn û çirava te de li şopa siwarên qeralgeha çûn û nehatinê digere.

Qamişlo!

Sevê te yên mişt tevzinokên rojhilateke avis, şahid in çawan qertemîrên te di berbanga berbangê de, tovê jiyanê bi lez û germebez disipartin germedeşten şenigejinan, û berê xwe didan hogiriya şevê, tivîngê û çiyan da ku keçikanîya te tûşî başûrekî bê bext û bê bav nebe.

Tu keleha xwîniyên serhişk ên bakurekî kovî bûyî!

Tu bûka wenatekî bê nav bûyî!

kêê! lê tu nabêjî ey Qamişloka min ci oacaxa deyûz tu hingavti?

Tu nabêjî ka tu di ci xewnê de bûyî, li kîjan esmanî bûyî, û li ber siya textê kîjan Xwedayî bûyî, derma ku xurista bîncikyayı ji tîrsa sînoran, pelê payîzê bi ser te de weşandin, û tu spartî bêbaviya siwarên re-

vokî yên çolistanên tozperest.

Tu, êdî, ne kelcha xwîniyan i lê axurê pîsemêran î!

Tu, êdî, ne bûka wenatekî bênav i lê heyirandiya wenatekî bê şerm û bi nav î!

îro qolinca tirsê ketiye hinavê te de, tu bûyi penaya dizan û bêkêran, kolanê te bi nivişt û berbejn, berzûrî rivdiyê sîxurên xwenkuj dibin.

Bayê revê ketiye qeremêne te de, wa pêsiya zaroyêne te di oqyanosêne sir û seqemê ve derket.

Xewnen sorgulî, di bihara zaroktiya xwe de, di xaçerêyêne sal û demsalêne te de ji rê dikevin, dicilmisin, zuha dibin û weke pelêne payîzê li ber pêlêne rewrewkê dicin, û bê xatir û bê oxir li kolanêne rûsar ên paytextêne dûr serê xwe dideynin û malavayiyê li jiyanê dikin.

Bakurê te yî serhişk û pozbilind, bakurê malbatêne xwîna zelal, îro di kolanêne paytextêne dûr de, bûye, başûrekî şermezar û parsek

Asoyêne te bûne dergehêne çûn û nehatinê, Cegerxwîn û Bavê felek çûn û nehatin, Behriyê delal, Şero, Hepsûno, Edra û Letoyê zirnevan çûn û nehatin.

Mecido û Melle bênav çûn û nehatin.

Ava Ceq-ceq, qiramêne di navbira Hilêli û Nisêbînê de û aşê Mehmeqeya çûn û nehatin.

Ma qey tu nabêjî kezî kurê, eger hat û Newafo jî rojekê ji rojan li tevlî kom û koloz, şâsika sorbelek, şal û şapikê xerzanî û bedena ji nîşanan çû û nehat, dê kolanêne te êdî çavêne xwe bi dîtina ci qaremanî kil bikin.


Qamişlo!

Di şevreşa cîhaneke bê ol de li te digerim da ku xwe bibînim, gazî te dikim da ku zaroktiyeke ji rengê tozê bînim bîra te.

Di şevreşa cîhaneke zikreş û rûreş de, ez li ser xewnen xwe digirîm, dûrî hilm û bîna kolanêne te, li çolistanêne befrînî li ser xaçerêyêne deryan û oqyanosan, matmâyî mame.


Îro, ji dûrahiya bakurekî bê bakur, bi tîrêjén gelawêjê, xaçekî li ser sînga te dineqîşnim, û toza kolanêne te... Germa havîna te... Serhişkî û cirnexweşîya zarokêne te û... û sergiraniya keçikêne te, dikim nivişt ûbihnok û berbejin û bi xwe vedikim da ku li kolanêne rûsar ên Skand-navyayê bê nav û bê reng nemînim. ☐

* Mecido û Melle bênav du kesen romanı Selim Berekat in, a bi navê *Hoxanêne taristanê*.




Jînenîgariya min
Cigerxwîn

Navnîşana xwestînê: Weşanxaneya Apec
Box 3318, S-163 03 Spånga – Sweden



DUGIR Kurdisk litteratur tidskrift
Box 3437, S-165 23 Hässelby -Sweden



Seydayê Mele Ehmedê Namî

1906–1975

Dilê me ji pola ye gurçik hesin
Ji bo tol û doza welat em bes in
Ji Namî me zanî ku em bibine yek
Dijîn serbilind al û ol û serek